


康濟譜 未



漢書門			
九	二	〇	四
冊	架	函	號

內閣文庫		
二九	九二	漢
〇	〇	書
冊	冊	類

內閣文庫		
番號	漢	9204
冊數	12	(8)
函號	295	53

容菴識



康濟譜軍政卷之十五上

淺草文庫

松滋 潘游龍 輯著

宜興 王期昇 鑒定

長沙 李可植 訂閱

吳縣 金俊明 叅評



潘鱗長氏曰晉朱何以勇聞楊珉問曰將軍擊賊何以多勝伺曰兩軍對敵惟忍為難我能忍是以多勝又有以武行教者或問曰較藝之場勝負可先決乎對曰先動者負後起者勝夫以力相競勇

者先奮。今不尚勇而尚忍。不貴先而貴後。蓋輕發無功。妄動多敗。故君子以重持輕。以靜待動。神完氣定。望之真似木雞。自然無戰不勝。無敵不摧。通乎此。可以知軍政之妙矣。

廉范守雲中。北匈奴大人范拒之。吏以衆少。欲移書傍郡求援。范不許。會日暮。范令軍士各交縛兩炬。三頭。爇火營中。星列虜謂漢兵救至。大驚。迨將退。范令軍中蓐食。晨往擊之。斬首數千級。虜自相斃死者千餘人。繇此不敢復向雲中。

潘鱗長氏曰。四夷之爲中國患。莫甚於匈奴。漢唐之時。固嘗傾天下之力禦之。不能使之循服。可謂獷悍難制矣。雲中之地。伊迫狄境。前有魏尚。後有廉范。以一郡之力。禦難制之虜。且能使之遠遁。不敢侵凌。抑何易哉。繇此言之。非匈奴之難制也。實禦之不得其術耳。誠令守邊將吏。盡如二子。中國豈復有北顧之憂乎。○叔度守雲中。而破匈奴之寇。守蜀郡。而興五袴之謠。此特其宦業耳。至平生懿行。人所難及者。有三年十五迎父喪於蜀。而不

受父故吏之賻。扶父柩而溺。僅免者一也。爲鄧融之功。曹乃變姓名爲獄卒。侍融至死不言。且葬融以去二也。業師薛漢坐楚王謀事。誅人莫敢視而范獨歛之。觸顯宗之怒而辨得免。三也。噫。范之孝義真無愧於天壤間矣。獨依竇憲一節。君子不能不爲范惜哉。

虞詡守武都。見羗衆我少。卽宣言。上書請兵。日夜兼行二百餘里。且令吏士各作兩龜。日增倍之。羗不敢逼。或問曰。孫臏減龜而君增之。兵法日行三十里以

戒不虞。而今且二百里何也。詡曰。虜衆我寡。速進則彼不測。且見吾龜。日增必懼。郡兵來迎。臏示弱。吾示強勢。不同故也。時詡兵不滿三千。因出城奮擊。多所傷殺。明日悉陳其衆。令從東郭門出。北郭門入。貿易衣服。回轉數周。羗不知其數。更相恐動。

潘鱗長氏曰。虞升卿增龜最得以弱擊強之法。蓋秉師律者無遺之。算生於所憂。不測之患起於所忽。勿以我之強而輕彼之弱。亦勿以我之弱而畏彼之強。則勝負變化之妙在我矣。藉令羗能約其

所強之兵。又誰與敵哉。兵不厭詐。亦不厭算。升卿得之哉。

金孝章氏曰。凡兵用強用多。此自在節制耳。至于用寡且弱。以敵人之勁。眾其難實。甚虞詡之增龜。廣演惑羗耳目。真興雲布霧手也。

楊璇遷守零陵。時蒼梧桂陽滑賊攻郡縣。賊眾多而璇力弱。乃特置馬車數十乘。以排囊盛石灰於車上。繫布索于馬尾。又為兵車專載弓弩。尅期會戰。乃令馬車前順風鼓灰。賊不得視。用火燒布。布燃馬驚。奔

易牛而馬
蓋田單之
餘智

突。賊陣因使後車弓弩亂發。征鼓鳴震。羣盜波駭。破散。追逐梟其渠帥。郡境肅清。

潘鱗長氏曰。此亦弱制強之一法。凡用兵制勝。往往奇者得之。柱下所稱真兵家四字訣也。然奇非廢法也。以合法之兵。攻無紀之賊。其不獲志者鮮矣。後世賊漸知兵。而禦賊者置法不講。無怪乎師之嘗挫而賊日多也。

張遼屯長社。荊州未定。臨發。軍中有謀反者。夜驚亂。火起。一軍盡擾。遼謂左右曰。勿動。是不一營盡反。必

有造變者欲以動亂人耳。乃令軍中曰：不反者安坐。遼將親兵中陣而立。少頃得首謀者誅之。

昔周亞夫將兵討七國，軍中嘗夜驚。亞夫堅臥不起，頃之自定。吳漢爲大司馬，嘗有寇夜攻漢營，軍中驚擾，漢堅臥不動。軍中聞漢不動，皆還按部。乃選精兵夜擊，大破之。可見事當忽變，須鎮定則不周。張若隨衆倉皇，則擾亂多矣。如遼者，斯真得以靜制動之術耳。

羊祜都督荊州，諸軍事，鎮守襄陽。祜綏懷遠，其得

江漢之心，與吳人開布大信。降者欲去，皆聽之。嘗輕裘緩帶，身不被甲。鈴閣之下，侍衛不過十數人。祜歸自江陵，務修德信，以懷吳人。每交兵，刻日方戰，不爲掩襲之計。將帥有欲進詭計者，輒飲以醇酒，使不得言。每會衆，江沔游獵，嘗止晉地。若禽獸先爲吳人所傷，而爲晉兵所得者，皆送還之。吳人大悅。陸抗乃告其邊戍曰：彼專爲德，我專爲暴，是不戰而自服也。各保分界而已，無求細利。祜疾篤，舉杜預以代。及卒，晉主哭之哀。南州民爲之罷市，巷哭聲接吳境。將士亦

為之泣。祐好遊峴山。襄陽人建碑立廟于遊憇之所。歲時祭祀。望其碑者無不流涕。杜預因名為墮淚碑。潘鱗長氏曰。昔召伯所憇。愛流甘棠。宣子所游。封植厥樹。思其人者。及其遺。自古然矣。羊叔子墮淚之碑。固人情哉。乃其荊州民士為祐諱。名屋室。皆以門為稱。而朝廷亦改戶曹為辭曹。此又不但愛其遺懷其人。抑且比隆君親而諱其名矣。是臻何德哉。彼史臣所稱。垂大信于南服。傾吳人于漢渚者。意者其然乎。觀此則世之欲一切以撻伐從事者。隘矣。隘矣。

杜預以羊祐薦。拜鎮南將軍。伐吳。大克。曰。勢如破竹。數節之後。迎刃而解。無復着手處矣。預自指授羣帥。方畧徑造秣陵。所過城邑。莫不束手。既還鎮襄陽。以為天下雖安。忘戰必危。勤于講武。申嚴戍守。又修召信臣遺跡。激滢清諸水。以浸原田。諸所興造。必考度。始終鮮有敗事。預身不跨馬。射不穿札。而用兵制勝。諸將莫及。朝野稱美。曰。杜武庫言其無所不有也。楚人德之。號曰杜父。在鎮數餽遺當路。或問其故。預曰。

吾但恐其見忌耳非求益者也

謝安總中書事義存輔導時疆敵寇境邊書續至安每鎮以和靖御以長算威懷外著人皆比之王導而謂文雅過之方符堅大舉諸將敗退相繼安遣弟石及兄子玄應機征討所在克捷而淝水之勝尤奇絕安方欲混一文軌上疏求自北征然以父子皆著大勲恐爲朝廷所疑又懼桓氏失職乃以三桓據三州彼此無怨各得所任其經遠無競類此安雖受朝寄然東山之志始末不渝及鎮新城盡室而行造泛海

之裝欲須經畧粗定自江道還東雅志未就而卒

潘鱗長氏曰按史臣言安石激繁會于暮服之喪敦一歡於百金之費以爲廢禮崇侈扇頽風而淪雅道嗟嗟此豈足病安石哉當符堅之來以瞰吳汪桓溫之將移晉鼎也衣冠易慮遠邇崩心安能從容而杜姦謀宴衍而清羣寇公輔之望斯已足酬又遑計其細也且其所存忠義純固負荷國事直欲以晉同存亡故能運用英豪克成勲業非誠與才合能如是乎

周濟言 卷十五 七
劉穆之少好書傳博覽多通宋武帝克京城時須一
軍吏甚急及穆之見卽于坐受署諸大處分皆倉卒
立○定○遂○委○以○腹○心○之○任○動○止○諮○焉○穆○之○斟○酌○時○宜○隨
方○矯○正○不○盈○旬○日○風○俗○頓○改○繇○是○入○輔○穆○之○外○所○聞
見大小畢白雖塗陌細事親暱短長悉奏無隱人或
譏之穆之曰以公之明將來會自聞達我蒙公恩義
無隱諱此張遼所以告關羽叛也穆之內總朝政外
供軍旅決斷如流事無壅滯耳日手口其所應酬不
相參漏皆悉瞻舉

潘鱗長氏曰道和起自布衣協佐義始其忠規遠
畫潛慮密謀誠莫窺其際者至于尊主卑臣之義
定于馬捶之間出征入輔之勲銘于鼎彝之上史
氏謂以建武永平之風變太元隆安之俗爲一代
宗○臣○豈○虛○言○哉

裴度爲彰義節度使入蔡州度以蔡卒爲牙兵或諫
曰○蔡○人○反○側○者○多○不○可○不○備○度○笑○曰○元○惡○旣○擒○蔡○人
則○吾○人○也○又○何○疑○焉○蔡○人○聞○之○感○泣○先○是○吳○氏○父○子
阻兵禁人偶語于途夜不燃燭有以酒食相過從者

唐書 卷十五
罪死度既視事下令惟禁盜賊鬪殺餘皆不問往來者不限晝夜蔡人始知有生民之樂

裴度伐叛柔服使百姓曉然知賊之爲暴而唐之爲仁故其後取淄青如反掌不惟乘勝用兵之易蓋人心先服故也豈非待物以誠之效乎

柳公綽爲太原尹是歲北虜遣將軍李暢以馬萬疋來市託云入貢所經州府守帥假之以禮嚴其兵備留館則戒卒于外懼其襲太原故事出兵逆之暢及界上公綽使牙將祖孝恭單騎勞問待以修好之意

暢感義出涕徐驅道中不妄馳獵

郭振爲安西大都護西突厥酋烏勒欵塞願和振卽其牙帳計事會大雨雪烏勒已老數拜伏不勝寒凍會罷卽死其子婆葛以振計殺其父謀勒兵未襲或勸振夜遁振不聽堅卧營中明日素服往弔道逢婆葛不意振自來乃託言奉迎遂至其帳脩弔贐禮哭之甚哀留數十日爲助喪事婆葛感悅便遣使獻馬五千駝二百牛馬數十萬

金孝章氏曰昔人云至人無死地非必不灰也可

只一素服
往平便滿
融了許多
客氣則是
夷酋未始
不可以禮
服矣

以不至於歿耳。蓋心苟無欺，人情不遠，處變只如安常，正不必手忙脚亂也。若元振因一夷酋之歿，宵遁則舉動不光，示之醜弱，或整兵相待，則釁成禍結，是路其疑而自即于戢也。乃營中堅卧，蓋不待明日素服之往，已知其胸中之閑定矣。

自祿山煽亂河北二十四郡莫不失守及

顏真卿守平原，逆知祿山且反，因零兩完城浚濠，料丁壯實倉廩，日與賓客泛舟飲酒，紓其疑。祿山以其書生易之，及反，牒真卿將兵防河津。真卿遣平原司兵李平問道奏之，上始聞祿山反，河北郡縣皆風靡。

真卿首倡忠義而諸郡多應，然則唐之中興雖郭子儀李光弼之功而實則真卿為之倡也。

歎曰：二十四郡曾無一人義士耶？及平，至上大喜曰：朕不識顏真卿作何狀，乃能如是。真卿使親客密懷購賊牒，詣諸郡，繇是諸郡多應。者時平原有靜塞兵三千，乃益募士得萬人，遣錄事參軍李擇交統之，以刁萬歲和琳徐浩馬相如萬抗朗等為將，分總部伍。大饗士于城西門，慷慨泣下，眾咸感勵。饒陽守盧全誠濟南守李隨清河長史王懷忠景城司理李暉鄆郡守王燾各以眾歸。從兄杲卿為嘗山守，斬賊將李歛湊等，清土門十七郡，共推真卿為盟主，統兵二十

萬扼絕燕趙會清河博平兵五千人軍于堂邑祿山所署魏郡守袁知泰逆戰大敗遂克魏郡軍聲大振外史氏曰初魯公以忤楊國忠斥外當祿山反嗾噬無前獨以區區平原撓其鋒功雖不成然四方聞者爭赴而唐卒以振者魯公為之倡也在肅宗朝數正言以宰相不悅連輒斥李輔國遷太上皇居西公首率百官請問起居又輒斥代宗朝元載壅蔽為姦公極論之又輒斥楊炎盧杞既相德宗益惡而斥之猶不滿意遂為所擠見殞賊手其英

烈○言○論○如○嚴○霜○烈○日○真○可○畏○而○仰○也○曾○子○固○嘗○言○之○唐○之○朝○臣○見○忤○于○世○且○起○且○仆○至○于○七○八○竟○歿○而○不○自○悔○者○魯○公○一○人○而○已○今○何○以○易○斯○言○哉○又○國○朝○伍○文○定○崇○尚○節○義○善○騎○射○知○兵○法○議○論○慷○慨○初○仕○以○事○忤○劉○瑾○逮○詔○獄○瑾○誅○起○官○為○吉○安○守○知○宸○濠○必○反○預○備○軍○需○及○濠○反○移○檄○遠○近○人○心○洶○洶○文○定○發○卒○迎○王○守○仁○至○進○曰○此○賊○暴○虐○無○道○久○失○人○心○若○號○召○各○郡○邑○義○勇○為○進○取○圖○賊○不○難○破○也○日○夜○籌○畫○器○械○糧○草○旬○日○間○皆○具○諸○路○官○兵○響○應○濠

既出文定遂將前鋒攻破南昌濠師還救迎戰于
 王家渡文定立矢石中督戰砲火燎其鬚不動潛
 為火攻具一夕皆備黎明乘風舉火烟焰蔽天賊
 衆大潰遂擒濠他所監建如擒永豐巨寇賴招壽
 等四百餘人類有大過人者文定孤忠自信遇事
 敢為而不能與時為俯仰故功名甚著乃以齟齬
 終其身為志士所深惜也公不但倡義與真卿同
 其節烈貞介無往而不真卿同也故錄此以見忠
 義之氣無分于古今也

雖忠義之心發于天性然如此舉動豈非多讀書大為學問人所為

張巡令真源守雍丘賊將令狐潮攻城巡數敗之巡
 一夕堂上設天子畫像帥將士朝之人人皆泣巡引
 六將于前責以大義斬之士心益勸城中矢盡巡縛
 藁為人千餘披以黑衣夜縋城下潮兵爭射之得矢
 數十萬其後復夜縋藁人賊笑不設備乃以歿士五
 百斫潮營潮軍大亂焚壘而遁追奔十餘里潮慙益
 兵圍之巡使裨將雷萬春于城上與潮相問語未絕
 賊弩射之面中六矢不動潮疑其木人使諜問之乃
 大驚遙見巡曰向見雷將軍方知足下軍令矣然其

雖陽不獨
可與行軍
且亦可與
講學

如天道何。巡應曰：君未識人倫焉。知天道未幾，出戰擒賊將十四人，斬首百餘級。賊乃遁。後守睢陽，賊將尹子奇復徵兵數萬來攻。巡乃脩守具，賊爲雲梯，勢如半虹，置精卒二百于上，推之臨城，欲令騰入。巡預于城內潛鑿三穴，候梯將至，一穴中出大木，末置鐵鈎鈎之，使不得退。一穴中木柱之，使不得進。一穴中出一木，末置鐵籠，盛火焚之。賊又以鈎竿鈎城上棚閣，巡以大木置連鎖，大鑲拔其鈎而截之。賊又造木驢攻城，巡鎔鐵汁灌之。賊又以土囊柴爲磴道，欲登

城。巡潛以明松投之，使人順風持火焚之。巡之所爲皆應機立辦，賊服其智，不敢復攻。

潘鱗長氏曰：均是人也。夫何以有亂臣賊子，斯皆不明乎人倫天道者也。巡惟于此四字持之愈力，明之益貞，故當天道晦蒙之日，雖刀鋸鼎鑊之不易，而卒成其爲討賊之義士，爲報國之忠臣，爲敦倫明道之完人，而決不與亂臣賊子同其俯仰矣。嗟嗟人倫天道，可不于平谷一講究乎。○又按巡初守睢陽時，卒僅萬人，城中居人亦且數萬。巡一

見問姓名其後無不識者。前後大小戰凡四百餘。殺賊卒十二萬人。巡行兵不依古法教戰。陳令本將各以其意教之。人或問其故。巡曰。今與胡虜戰。雲合鳥散。變態不常。數步之間。勢有同異。臨機應猝。在于呼吸之間。而動詢大將事。不相及。非知兵之變者也。故吾使兵識將意。將識士情。役之而往。如手之使指。兵將相習。人自爲戰。不亦可乎。自興兵器械甲仗。皆取之于敵。未嘗自脩。每戰將士或退散。巡立于戰所。謂將士曰。我不離此。汝爲我還。

決之將士莫敢不還。歿戰卒破敵。又推誠待人。無所疑隱。臨敵應變出奇。無窮號令。明賞罰。信與衆共。甘苦寒暑。故下爭致效力。

李光弼爲朔方節度使。弼治軍嚴整。始至號令一施。士卒壁壘旌旗精彩。皆變賊史思明有良馬千餘匹。日出浴河渚。以示其多。弼索軍中牝馬得五百匹。繫其駒于城內。俟賊馬出浴。盡驅之出。馬嘶不已。賊馬悉浮渡河。一時驅之入城。思明怒。乃屯兵河渚。絕弼糧道。弼軍野水渡備之。弼謂諸將曰。賊將高廷暉李。

日越皆萬人敵也。至勿與之戰。降則與之。俱來諸將莫喻其意。皆竊笑之。既而思明果謂日越曰。李光弼長于憑城。今出在野。汝以鐵騎宵濟。爲我取之。不得則勿返。日越將五百騎晨至棚下。問曰。司空在乎。希顥曰。夜去矣。日越曰。失光弼而得希顥。吾歿必矣。遂請降。希顥與同見光弼。弼厚待之。任以心腹。高廷暉聞之。亦降。或問弼降二將何易也。弼曰。思明每恨不得野戰。聞在外。以爲必可取。日越不獲我。勢必不敢歸。廷暉才勇過于日越。聞日越被以寵任。必思奪之。

矣。時弼屯中潭。登城望曰。賊兵多而不整。不足畏也。不過日中。保爲諸君破之。乃命出戰。以短兵置靴中。曰。戰危事。吾國之三公。不可歿賊手。萬一不利。諸君歿敵。我自勿不令諸君獨歿也。率諸將矢歿擊之。賊大潰。思明乃遁。

李晟除河中。同絳節度使。受命拜哭。謂將佐曰。長安宗廟所在。天下根本。若諸將皆從行。誰當滅賊者。乃治城隍。繕甲兵。爲復京城之計。時李懷光朱泚連兵。聲勢甚盛。車駕南幸。人情擾擾。晟以孤軍處二強寇。

將士不能奮擊只為身家念重

之間內無糧外無援徒以忠義感激將士故其眾雖單弱而銳氣不衰軍中凡有言及家者晟泣曰天子何在敢言家乎泚使親近以家書遺晟曰公家無恙晟怒曰爾敢為泚間立斬之是時軍士未授春衣盛夏猶衣裘褐終無叛志六月李晟大陳兵收復京城遂引兵至通化門外泚兵大至晟縱兵擊之賊眾大潰遂屯兵于含元殿前令諸軍曰晟賴將士之力克清宮掖長安士庶久陷賊庭若小有震驚非弔民伐罪之意晟與公等室家相見非晚五日內無得通家

耳五日內不得通家

信公私安堵秋毫無犯

信一意克敵誰不克

迂菴子曰晟以孤軍處二寇之間於斯時也危亦

者天生李

極矣而猶能以忠義感激將士卒之克復宗廟不

晟以安社稷信非虛矣

失舊物而況以天下之大億兆之眾守之以道德

用之以仁義其誰能與之敵哉

李抱真為澤路節度使抱真以山東有變上黨為兵

衝而荒亂之餘土瘠民困無以贍軍乃籍民三丁選

一壯者免其租徭給弓矢使農隙習射歲暮都試行

其賞罰比三年得精兵二萬既不廢廩給府庫實遂

雄視山東。繇是天下稱澤路兵爲諸道最。

迂菴子曰。按漢制材官騎士。皆家人子。起于田中者。爲之猶有用農爲兵之意。抱真能師之。此其所以稱最於澤路也。至李德裕守西川。率戶二丁。取一。緩則農。急則戰。名曰雄邊子弟。而南詔不敢犯邊。悉怛謀亦降。他若晉齊王之武定軍。宋慶曆之保毅軍。宣毅軍。景德之廣銳軍。治平之義勇軍。皆兵之出於民而隸之州縣者也。轉餉旣易。桑梓情殷。有父兄室家之念。祖宗丘壠之思。心固與客兵

異矣。今日之士兵。曰保甲爲守鄉也。有司編冊。僅充張導耳。曰弓兵爲防險也。此呼走鄉聚。逐雞豚耳。曰機兵爲城守也。守令閱視環中。爲戲耳。噫。誠能如李抱真之賞罰必信。兵豈有不精者乎。

斐行儉。大軍次單于。比暮已立營。塹濠旣周。儉更命徙營高崗。吏白。士安堵不可擾。不聽。比夜風雨暴至。前占營所水深丈餘。莫不駭嘆。問何以知之。儉笑曰。自今第如我節制。毋問我所以也。

迂菴子曰。按孫子云。犯之以事。勿告以言。故儉不

唐書 卷一百一十五
告士卒以徙營之繇。然非不告也。正使人神其不測而愈傾向之。此亦行兵之一法耳。

王式爲安南都護時，浙東賊裘甫攻陷象山，王式討平之。式擒裘甫，諸將請曰：「某等生長軍中，久更行陣，今幸從公破賊，然私有所不喻者，敢問之。」始至軍食方急而遽散之，何也？式曰：「此易知耳。賊聚穀以誘飢人，吾給之食，則彼不爲盜矣。且諸縣無守兵，賊至則倉庫適足資之耳。」又問：「不置烽燧，何也？」式曰：「烽燧所以趣救兵也。今兵盡行，無以繼之，徒驚士民，使自潰。」

亂耳。再問使懦卒爲候騎而少給兵，何也？式曰：「彼勇卒操利兵，遇敵且至，勇力而鬪，鬪死則賊至不知矣。皆拜曰：非所及也。」

外史氏曰：先時上每以越盜爲憂。夏侯孜曰：王式才有餘，不日告捷矣。至是卒成其功，然甫雖破而龐勛、芝、巢之徒接踵而起，唐遂不支。嗚呼！唐室其自此亡哉。

張齊賢知代州時，契丹自湖口薄代州城下。齊賢先遣使納潘美以并師來會戰，使爲契丹所執，俄而美

使至云師出并州栢井得密詔不許出戰已還州矣
 齊賢曰敵知美之來而不知美之退乃閉其使夜發
 兵三百人持一幟負一束芻距州西南三十里列幟
 燃芻契丹兵遙見火光中有旗幟意謂并師至矣駭
 而北走齊賢先伏步卒二千於土鐙砦掩擊大破之
 潘鱗長氏曰齊賢以微弱之兵能抗方張之虜在
 太宗可謂任用得人而齊賢亦為不負所托也至
 列幟束芻又與虞詡增竈同一應變之智矣

張詠知成都平李順之亂西川都巡檢使為郤卒劉

驗傷錄功
 不以首級
 為重庶軍
 心可服而
 僥倖昌賞
 者沮矣

盱所逐詠遣兵誅之兵回有以斬首級求賞者詠曰
 當奔突交陣之時豈暇獲其首邪此必戰後剪來知
 復是誰殿直段倫曰學士果神明也先用命摧賊者
 皆中傷破體主帥令付營將理詠悉命昇以來先錄
 其功凡帶首級者次之于是軍中悉服

潘鱗長氏曰我朝洪永間例每戰以當先破的
 為奇功生擒斬首者次之而何栢齊與楊遂菴論
 兵曰兩軍相接兵刃交鋒縱有殺傷豈暇斬取首
 級縱賊衆大敗我軍若務斬取首級其奸惡必從

容○逃○去○斬○首○雖○多○亂○終○不○息○况○揮○刀○雖○在○於○一○人○
成○勝○實○繇○於○衆○力○今○有○首○級○者○方○論○功○無○者○不○錄○
亦○非○所○以○使○之○并○力○齊○心○也○且○中○隱○微○機○使○賊○知○
餌○兵○之○法○則○破○軍○殺○將○其○機○皆○繇○於○此○是○尤○不○可○
不○慮○今○宜○別○立○賞○格○戰○勝○之○後○總○計○首○級○多○寡○而○
次○第○其○賞○將○領○作○一○等○先○登○陷○陣○作○一○等○衆○人○作○
一○等○其○有○顯○立○奇○功○人○所○共○見○者○另○賞○不○拘○賞○格○
則○接○戰○之○機○勸○功○之○道○兩○不○悖○矣○此○亦○張○乖○崖○之○
遺○意○故○錄○之○以○見○古○今○人○同○一○識○也○後○狄○青○一○議

更○詳○
○又○按○戰○後○論○功○先○弔○死○而○後○問○傷○傷○瘐○優○
於○俘○斬○刀○傷○優○於○箭○傷○重○傷○優○於○輕○傷○而○傷○在○前○
者○迎○敵○傷○在○後○者○避○敵○因○而○第○其○賞○罰○此○激○勸○之○
大○端○也○至○如○唐○杜○伏○威○用○兵○選○敢○死○士○與○均○甘○苦○
厚○遇○之○每○攻○戰○罷○驗○創○在○背○者○盡○殺○之○故○人○人○思○
奮○戰○無○堅○敵○夫○如○是○自○無○虛○功○冒○賞○之○士○也○

曹○瑋○知○秦○州○屢○請○益○兵○帝○不○悅○問○李○迪○邊○將○誰○可○代○
者○迪○曰○曹○瑋○知○峭○廝○囉○欲○窺○關○中○故○請○益○兵○爲○備○非○
怯○也○乃○詔○發○關○內○美○兵○赴○瑋○未○幾○吐○蕃○結○連○入○寇○瑋○

大破之自是哨廝囉退保磧中不出瑋沉勇有謀馭軍嚴明自少捍禦西陲熟知羌情每以奇計用兵所向克捷善撫士卒能綏懷邊人故羗戎畏懷之

潘鱗長氏曰曹瑋之敗吐蕃謝玄之劔符堅也一則以叔安之薦一則以父彬所稱嗚呼若二子者可謂不負所舉而謝曹二公誠所謂公於舉人者哉

狄青為荆湖宣撫使行之日有因貴近求從行者青曰從青之士擊賊有功朝廷有厚賞若往不能擊賊

既嚴軍法而又能通其下情非大有學問人不能

斬一陳曙而智高亡

則軍中法重恐青不能私也君其思之願行即奏君矣於是無復敢言求從青行者及行日不過一驛輒休士一日至潭州遂立行伍明約束軍人有奪旅人菜一把者斬之以徇於是一軍肅然青每止郵驛四面嚴兵無一人敢妄出入其求見青者無不即時得通其野宿皆成營柵乃合孫沔余靖兩將之兵自桂州次賓州青以張忠蔣偕皆輕敵戒諸將毋得妄與賊鬪陳曙恐青有功乘青未至以步卒八千犯賊潰於崑崙關青至集將佐於幕府立陳曙於庭下數以

不旋踵狀
漢青可謂
知兵矣

敗軍之罪并軍士十二人驅出軍門斬之沔靖相顧
愕眙諸將股栗莫敢仰視時智高還守邕州青乃按
兵不動下令賓州具五日糧休士卒值上元節令大
張燈燭宴集將佐大饗軍較首夜樂飲徹曉次夜二
鼓時青忽稱病暫起入內久之使人諭孫沔令暫主
席行酒少服藥乃出數使勸勞坐客至曉客未敢散
忽有馳報者云夜時三鼓元帥已奪崑崙矣是夜大
風雨青率兵度崑崙關既度喜曰賊不知守此無能
為也近邕州賊方覺逆戰於歸仁舖青登高丘執五

智高平矣
而又有金
龍衣可証
狄公獨不
以疑尸欺
朝廷如此

色旗麾騎兵為左右翼出其後斷蠻軍為三旋而擊
之左者右右者左已而右者復左左者復右賊眾不
知所為牌軍為馬軍所衝突皆不能駐劄青加束軍
士又縱馬上鐵連枷擊之遂皆披靡相枕籍死賊遂
大敗智高焚城遁去青入邕獲金貝巨萬畜數千悉
分戲下賊所俘脇皆慰遣之歛積尸為京觀於城北
尸有衣金龍衣者又得金龍楯於其傍或言智高已
死當亟奏青曰安知非詐耶寧失智高不敢欺朝廷
以貪功也捷至加其功為樞密使○按是舉張玉為

軍政上

赤忠真有
古大臣之
風世之殺
降以邀賞
者觀此可
愧哉

先鋒賈逵將左孫節將右旣陣青誓曰不待令而舉者斬及節搏死山下逵私念兵法先據高者勝乃引軍疾趨山賊至逵擁衆而下揮劍大呼斷賊陣爲二玉以先鋒突出陣前而青麾番落騎兵出賊後遂大潰逵乃詣帳前請罪青撫逵背曰違令而勝權也何罪之有○又青戍涇原日嘗與虜戰大勝追奔數里虜忽壅遏山嶠知其前必遇險士卒皆欲奮擊青遽鳴鉦止之虜得引去驗其處果涉深淵將左悔不擊青獨曰不然奔亡之虜忽止而拒我安知非謀軍已

大勝殘寇不足利得之無所加重萬一落其術中存亡不可知寧悔不擊不可悔不止

外史氏曰宋至仁宗時承平已久武夫驚士遭時致位雖有之起徼卒至政府隱然爲時名將郭逵之外狄青一人而已而逵似不及也青在邊境凡二十五戰如破金湯略宥州多膚功城橋子築豐林大郎諸砦堡皆扼賊要害最後崑崙一舉頗著奇雋至喜推功將佐經制餘事悉委孫沔爲所嘆服猶不可及云○又按青自請征智高臨行上言

謂古之師還以訊馘告割耳鼻則有之不聞以獲首者秦漢以來方有是事故獲一首賜爵一級因謂之首級然生事啓倖莫此爲甚故軍士爭首級者以致相殺又其間多以首級爲貨售於無功不戰之人非所以勸願一切請罷如師有功則差次其勞全軍加賞無功則斟酌其罪全軍加罰庶合上下一心決勝之道也智哉狄公此其所以成功矣。至今日疆場之事則樞臣爲政旗鼓之間則登壇者主之一報捷而鏹帛之賚波於諸臣金吾之

叙濫及襁褓則敝在冒功藉寇賫糧而虎冠如故喪師辱國而鵠印猶懸卽有神羊觸之復有社鼠獲之則敝在蔽罪斯又張乖崖狄漢臣之罪人也韓琦徙定州定州久用戎將治兵無法驕不可使琦至卽以兵律裁之察其橫不可教者捽首斬之士死攻圍賻其家恤其孤兒使繼衣廩恩威旣信則倣古兵法作方圓銳三陣指授偏將日教習之自是定州兵皆精勁可用冠於河朔後爲四路經略使駐延安琦號令嚴明愛撫士卒諸羗來者推誠撫接咸感恩

威不敢輒犯邊境。謠曰：軍中有一韓。西賊聞之，心胆寒。軍中有一范。西賊聞之，驚破胆。天下稱爲韓范所歷大藩，皆有遺愛。戎狄每南來，涉其界，卽戒其下曰：此韓侍中境，勿多索也。爲虜所畏服如此。范仲淹知延州，築青澗城，墾營田，復承平、永平廢寨，屬羗歸業者數萬戶。於慶州城大順，以據要害，奪賊地而耕之。又城細腰、胡盧。於是明珠、滅藏等大族皆去。賊爲中國用，公之所在，賊不敢犯其城。大順也。一旦引兵出，諸將不知所向。軍至柔遠，始號令告其地。

警敏至此
如用入神

恩不必自
已出尊朝
廷而大國
體非社稷
臣不能也

處使往築城。至於版築之用，大小畢具。而軍中初不知賊以三萬騎來爭。公戒諸將戰，而賊走。追勿過河。已而賊果走，追者不渡。而河外果有伏賊，旣失計，乃引去。諸將皆服，所得賜賚皆以上意。分賜諸將，使自爲謝。先是，詔分邊兵部署，領萬人。鈐轄領五千人，都監三千人。有寇則官卑者先出。仲淹曰：不量賊衆寡，出戰而以官爲先後，取敗之道也。乃分州兵爲六將，三千人，分部教之。量賊衆寡，使更出禦賊，不敢犯。旣而諸路皆取法焉。故敵人相戒曰：無以延州爲意。今

長春譜
卷十五
軍政上
五

務持重二
語邊將不
可不知

身○濟○言○
卷○十五
三
小○范○老○子○胸○中○自○有○數○萬○甲○兵○不○比○大○范○老○子○可○欺○
也○仲○淹○務○持○重○不○念○近○功○小○利○此○其○所○以○成○功○也○
潘○鱗○長○氏○曰○先○是○范○雍○守○延○州○節○制○無○狀○故○韓○琦○
力○言○召○仲○淹○代○之○且○云○方○陛○下○焦○勞○之○際○臣○豈○敢○
避○形○跡○不○言○若○設○朋○比○誤○國○家○事○當○族○上○乃○從○之○
觀○此○則○韓○琦○知○人○之○哲○料○敵○之○心○皆○可○見○矣○
○梅○少○司○馬○衡○湘○疏○云○古○之○詔○爵○也○以○功○今○之○叙○功○也○
以○爵○二○語○極○切○時○弊○夫○臨○陣○則○早○者○居○先○叙○功○又○
早○者○居○後○是○直○以○性○命○媚○人○耳○仲○淹○分○將○送○出○之○

議○固○當○余○謂○論○功○則○尤○當○專○叙○汗○馬○而○毋○輕○冒○帷○
幄○庶○功○名○之○士○知○所○奮○矣○

李○允○則○守○雍○州○一○日○出○軍○庫○錢○千○緡○復○歛○民○間○錢○起○
浮○屠○卽○時○飛○謫○至○京○師○真○宗○遣○中○使○密○諭○之○則○謂○中○
使○曰○某○非○留○心○釋○氏○實○爲○邊○地○起○望○樓○耳○蓋○是○時○南○
北○講○和○寢○兵○罷○斥○埃○允○則○不○欲○顯○爲○之○備○故○也○其○在○
河○北○二○十○餘○年○境○內○有○隙○地○悉○種○榆○久○之○榆○滿○塞○下○
顧○謂○僚○佐○曰○此○步○兵○之○地○不○利○騎○戰○豈○獨○資○屋○材○耶○
又○歲○脩○襖○事○召○界○河○戰○棹○爲○競○渡○縱○北○人○游○觀○而○不○

知其習水戰也

按允則當南北講和之日而委曲脩備如此所以虜不敢南牧朝廷無西顧之憂良將哉今世居邊關者賊至尚不及偵探烏得起望樓于息烽罷戰之時乎可慨已

馬知節監博州兵馬時劉延讓敗於君子驛而契丹歸矣知節方料丁壯繕城治械如寇至吏民初不悅以其生事也既而契丹兵至度不可攻乃去後知延州羗以兵覷邊會上元節令開門張燈示以無為而

須知所以不能為寇

羗卒不能為寇

金孝章氏曰治兵者人閑我忙則人忙我閑矣人

閑我忙心中有寇也人忙我閑目中無寇也若知節者猶有名將之風流焉

何承矩守澶州瓦橋關北與遼為鄰素無關河之阻始議因陂澤之地瀦水為塞欲自相度恐其謀泄乃築愛景臺植蓼花日會僚佐汎舟置酒作蓼花吟數篇令座客屬和畫以為圖刻石傳至京師人謂何宅使愛蓼花不知其經始塘泊也慶曆熙寧中相繼開

右為別有防禦非竟以張燈却敵也

濟于是自保州西北沉遠樂東盡滄洲沱枯海口幾八百里悉為渚潦倚為藩籬

此與顏真卿託霖雨脩浚城濠李允則假岳祠以脩舊甕城同一機也

孟琪知江陵既至言江陵所恃三海而沮洳有變為桑田者敵一鳴鞭即至城外蓋自城以東古嶺先鋒直至三汊無所限隔乃復修內隘十有一別作十隘于外有距城數十里者沮漳之水舊自城西入江因障而東之俾遶城北入于海而三海遂通為一隨其

高下為渠蓄泄三百里間渺然巨浸土木之工百七十萬民不知役遂為江陵天險

如此教習則人人可將矣推而行之凡守令官每年從軍民白衣中查其有勇方知謀者與以義勇名色日給米一石無事則令其捕盜

种世衡知青澗城教吏民習射雖僧道婦人亦教之習以銀為射的中者與之既而中者益多其銀重輕如故而的漸厚且小矣或爭徭役亦使之射射中者得優處有過失亦使之射射中則釋之繇是人人皆能射胡酋蘇慕恩部落最强世衡嘗夜與飲出侍姬以佐酒忽世衡入內慕恩與侍姬戲世衡遽世掩之慕恩慚媿請罪世衡笑曰君欲之耶即以遺之繇是

有事則令其殺賊有功則官之如此識拔何患乎無將才出也

諸部有貳心者使慕恩討之無不克矣青澗河北有虜寨虜嘗濟河為患世衡數使屬羗擊之往必破走前後取首級數百牛羊萬計未嘗勞士卒也建營田二千頃歲取其利募商使通其貨或先貨其本速其流轉歲時聞其息十倍乃建白城中芻糧錢帛軍需城守之具皆不須再計一請自給

夫期於雪漢之時更足聳動人心軍機如此奴詭安得不懷服也

奴詭凶詐難信世衡曰吾方結諸羗以信詎可失期遂冒雪緣險而入奴詭尚寢世衡令蹴之起奴詭訝曰吾世居此山素號險峻漢官無人敢至者明公冒雪單騎至此固亦不我疑耶舉部羅拜皆感激心服置酒具世衡飽啖佯醉臥奴詭帳中奴詭率妻與衆衛之不敢輒離左右世衡醒謂奴詭曰我醉臥此爾何不就刃我耶奴詭泣曰是何言耶惟有一死可報吾父耳繇是緣邊諸城獨環不增兵不益糧而武力自振

潘鱗長氏曰世衡才智膽略迥出人表故多成功。觀其城青澗示重賞以鼓鑿泉之卒教習射則使僧道婦女皆慕的賞而技精服奴訛則險歷雪徑示以誠信而為環之保障斯皆以膽略行其才智者也。至不罪蘇慕恩之戲侍姬竟遺之以釋其媿而厚有以結其歡心此又唐李晟所不能割者而世衡能之。故慕恩卒為世衡用乃能克服諸部而無李晟與張延賞之隙矣。嗟嗟色亦能成敗人也。如斯夫。

張方平知益州始李順以甲午歲叛蜀人記之。至是方以為憂而轉運使攝守事西南夷有邛部川首領者妄言蠻賊儂智高襲南詔欲來寇蜀攝守大懼調兵築城民大驚擾朝廷聞之發陝西步騎戍蜀兵仗絡繹於道詔促公行公言南詔去蜀二千餘里安得為智高寇哉此必妄也道遇戍卒輒遣歸入境下令邛部川曰寇來吾自當之妄言者斬悉歸所調兵罷築城之役會上元張燈城門三夕不閉得邛川釋人始造此語者斬之梟首境上而流其餘黨蜀人遂安。

西南夷大震徙知秦州謀告夏人將犯境卽擐甲而出士馬鼓勇寇聞之宵遁

潘鱗長氏曰按史云方平慷慨有氣節當少時宋綬蔡齊已稱其爲天下奇才及兩策制科爲仁宗所識晚復受知神宗王安石方用事方平巖然不少屈以是望高一時旣告老論事益切至於用兵起獄尤反覆言之且曰臣死見先帝地下有以藉口矣其他應劇決疑之捷豈在張乖崖之下哉

司馬光知永興軍時宣撫使下令分義勇戍邊選諸

軍驍勇士募市井惡少爲騎兵調造乾糧糗悉修城池樓櫓關中騷然光極言公私困敝不可舉事而京兆一路皆內郡繕治非急宣撫之命皆未敢從軍興若乏臣當任其咎於是獨得免

楊簡知温州有私鑄錢者五百爲羣過境內分司官檄永嘉尉及水寨兵捕之巡尉僇佻易事不白郡簡驚曰是可輕動乎賊徒五百合家族何翅二千口拒捕相殺變在頃刻耳萬一召亂爲朝廷憂且兵之節制在郡將違節制是不嚴天子命應斬建旗立巡尉

庭下召劊手兩行夾立數其罪命斬之。郡官交進爲
改悔罪意良久得釋。因奏罷分司云。沈括知延州時
種諤次五原值大雪糧餉不繼殿直
劉歸仁率衆南奔士卒三萬人皆潰入塞居民怖駭
括出東郊餞河東帥得奔者數千問曰副都總管遣
汝歸取糧主者爲何人曰在後卽諭令各歸屯未旬
日潰卒盡還括出按兵歸仁至括曰汝歸取糧何以
不持兵符因斬以徇

迂菴子曰按括在延州悉以別賜錢爲酒命屠市

良家子馳射角勝有軼羣之能者自起酌酒勞之
邊人感激執弓傳矢皆恐不得進越歲得拔距超
乘者千餘皆補中軍義從威聲大震真有用之才
也嗟乎近日聞驚便議練鄉兵然捐錢贖酒自起
慰勞者誰乎兵以氣勝口談鼓舞當不能得死士
耳至括斬歸仁一事經濟更卓然矣

蘇軾知定州定久不治軍政尤弛武衛卒驕惰不教
軍較蠶食其廩賜皆不敢問軾取其貪汗甚者配隸
遠地然後繕修營房禁止飲博軍中衣食稍足乃部

設施井井
皆有次第

勒以戰法衆皆畏服然諸較多不自安者有卒史服以賊訴其長軾曰此事吾自治則可汝若告軍中亂矣亦決配之衆乃定會春大閱軍旅久廢將吏不識上下之分軾命舉舊典元帥嘗服坐帳中將吏戎服奔走執事副總管王光祖自謂老將耻之稱疾不出軾召書吏作奏將上光祖震恐而出訖事無敢慢者定人言自韓魏公後乃見此禮云

潘鱗長氏曰從來號令賞罰之不行其弊皆坐於不識上下之分坡公命舉舊典此最得軍務大體

者宜定人稱嘆爲韓魏公後僅見也

劉子羽守興元金人犯境有言徒治夔者子羽叱曰孺子可斬也乃築壁壘於潭毒山方成而金兵已至距營十數里子羽據胡床坐於壘石諸將泣曰此非待制坐處子羽曰吾今日當死此以禦寇敵尋以餽餉不繼遁去羽卽出師掩擊其後墜谿澗歿者不可計興元賴保全

潘鱗長氏曰按子羽天性孝友慷慨自許每有捐身徇國之願方張浚之退保興州金人之大攻饒

風也。諸將已多散亡。吳玠且邀與俱去。子羽單騎之出。壘口之據。此猶父子真定之故。守乎故。金人雖入三州而失。不償得。論者以為是役也。浚雖師而卒全蜀。子羽之功居多。然高宗偏信檜議。且退而渡江。退而航海。即兩河亦置度外。安問蜀哉。又何怪乎白州之置也。

虞允文奉命往蕪湖迎李顯忠。交王權軍。且犒師。采石時。王權已去。顯忠未來。敵騎充斥。官軍三五星散。允文謂坐待顯忠。則誤國事。遂立招諸將。勉以忠義。

日金帛。誥命皆在此。以待有功。衆曰。今既有主。請以歿戰。或謂允文曰。公受命犒師。非命督戰。他人壞之。公任咎邪。允文叱之曰。危及社稷。吾將安避。乃命諸將列陣。部分甫畢。敵麾數百艘。直薄宋軍。軍少却。允文入陣。撫統制時俊之背曰。汝膽略聞四方。立戰。後則見女子爾。俊即揮雙刀出。士殊歿戰中流。宋軍以海艚船衝敵舟。皆平沉。敵半歿。半戰。日暮未退。會有潰卒自光舟至。允文授以旗鼓。從山後轉出。敵疑援兵至。始遁。允文又命勁弩尾擊。追射大敗之。

外史氏曰按允文慷慨磊落有大志言動可則人望之而知其為任重器早以文學致身遭際時艱遂克奮勇方金亮之將渡江也王權首棄廬州劉錡亦以疾不克進師盡失兩淮矣允文一舉而挫之亮乃自斃晉赤壁一勝而三國執成淮淝一勝而南北執定允文采石之功宋室轉危為安實係于此其罷相鎮蜀受命興復刻期而往孝宗嘗謂之曰丙午之敗當與丞相共雪之嗚呼使允文不即歿必不至以軍需未備虛密詔之趣也雖有志

不就其慷慨任重豈易得哉

趙方值棗陽圍急與其子范葵曰朝廷和戰之說未定觀此益亂人意吾策決矣惟有提兵臨邊決戰以報國耳遂抗疏主戰時金人圍棗陽塹其外繞以土城方計其空巢而來若搗其虛則棗陽之圍自解乃命扈再興及許國孟宗政陳祥等引兵三萬餘分二道出攻唐鄧二州復申飭諸將當過于境上不可使之入而復拒之于城下金人來自圖山執如風雨再興宗政等分三陣設伏以待既至再興佯却金人逐

之宗政與陳祥為兩翼掩擊之金人三面受敵遂大
 敗而去十二月趙方使扈再興許國孟宗政分道帥
 師伐金趙方以金人屢敗必將同時竝攻當先發以
 制之乃遣再興等帥師六萬分道而進戒之曰毋深
 入毋攻城第潰其係甲燬其城堡空其資糧而已
 史論是時棗陽之危奚啻焚溺趙方分將救之不
 赴棗陽而攻唐鄧此吳子救蔡之義春秋所以為
 善救也

孟宗政權知棗陽軍中原遺民來歸者以萬數宗政

發倉贍之給田勸屋與居籍其壯者號忠順軍俾出
 沒唐鄧間宗政由是威名振于境外金人呼為孟爺
 爺信賞必罰好賢樂善為一時名將循吏云

按棗陽之勝宗政竭力于內再興合兵于外二將
 之功偉矣但此後二將不久皆卒豈宋金未運天
 將兩促其亡耶

孟琪敗金武仙于順陽言于制使史嵩之曰歸附之
 人宜因其鄉土而使之耕因其人民而立之長少壯
 籍為軍俾自耕自守才能者分以土地任以職事使

招其徒以殺其勢嵩之從其請民大悅

按琪在軍中參佐部曲論事言人人異琪徐以片
言折衷衆志皆服謁士遊客老校退卒一以恩意
撫按名位雖重惟建旗鼓臨將吏面色凜然無敢
涕唾者退則掃地焚香隱几危坐若蕭然事外者
遠貨色絕滋味尤邃于易學自號無菴居士觀琪
立身行已如此故宜其屢建奇功而士卒蒙其澤
者多也

不先棄民
以求全具

吳輔司理道州會蠻獠騷動郡僚欲毀其橋梁以便

下爲害可
見今之破
城失陷者
政厲民以
消飽者耳

全耶聞者壯其言而寇卒不至

陳規守順昌葺城壁招流亡立保伍以爲備虜計會

劉錡引兵至規出迎傳金兵已至卽告錡有米數萬

斛勉同爲歿守計乃躬擐甲胄相與登城區畫諸將

謂東京已陷皆欲還江南錡曰東京雖陷吾全軍在

此且有城可守奈何棄之敢言去者斬乃置家寺中

積薪於門戒守者曰脫有不利卽焚吾家于是軍士

皆奮旣而金兀朮以兵三萬來薄城錡以破敵弓翼

身○濟○計○
以○神○臂○弩○射○却○之○後○以○步○兵○邀○擊○之○溺○河○歿○者○不○可○
勝○計○虜○乃○移○砦○于○李○村○錡○遣○闔○充○募○壯○士○五○百○夜○砍○
其○營○是○夕○天○欲○雨○電○火○四○起○見○辨○髮○者○輒○殲○之○復○募○
百○人○折○竹○爲○踞○如○兒○戲○人○持○一○爲○號○直○入○乘○電○奮○擊○
聞○吹○鼙○卽○聚○電○止○則○匿○不○動○敵○衆○大○亂○于○是○終○夜○督○
戰○積○屍○盈○野○退○軍○老○婆○灣○兀○木○在○汴○聞○之○帥○十○萬○衆○
來○援○錡○會○諸○將○問○計○或○言○今○已○屢○捷○宜○乘○執○全○軍○而○
歸○規○曰○朝○廷○養○兵○正○爲○緩○急○之○用○况○已○挫○敵○鋒○軍○聲○
稍○震○規○已○分○一○歿○進○亦○歿○退○亦○歿○不○如○進○爲○忠○歿○錡○

日○府○公○文○人○猶○誓○歿○守○况○汝○曹○耶○且○敵○營○甚○逼○兀○木○
又○來○吾○軍○一○動○彼○躡○其○後○則○前○功○俱○廢○使○敵○侵○軼○兩○
淮○震○驚○江○浙○則○平○生○報○國○之○志○反○爲○誤○國○之○罪○衆○皆○
感○動○思○奮○迨○兀○木○至○城○下○錡○謂○兀○木○必○不○敢○濟○河○乃○
具○浮○橋○五○所○於○穎○河○上○敵○繇○之○以○濟○錡○遣○人○毒○穎○上○
流○及○草○中○戒○軍○士○雖○渴○歿○毋○得○飲○于○河○時○大○暑○規○謂○
錡○毋○多○出○軍○第○更○隊○易○器○以○逸○制○勞○且○敵○遠○來○疲○弊○
人○馬○饑○渴○食○水○草○者○輒○病○吾○士○氣○閒○暇○軍○皆○番○休○方○
辰○按○兵○不○動○待○未○申○時○敵○力○疲○氣○索○方○出○接○戰○以○銳○

○斧○犯○之○敵○大○敗○走○自○是○兀○木○平○日○所○恃○以○為○強○者○十
損○入○九○矣○錡○奏○規○功○詔○褒○諭○之

迂菴子曰陳規之佐劉錡奏功于順昌也大類張
巡之有許遠雖以錡忠蓋之志非規始終力贊亦
未免紛于眾議矣規豈獨有功于宋乎及讀規傳
而將才吏績無不卓然可稱其守德安屢退羣寇
且區畫屯營皆一時名賢所不及南渡之初良吏
名將規殆兼而有焉余特惜其以文士終而不能
大竟所蘊耳

魏勝知海州勝善用大刀能左右射揭旗曰山東魏
勝金人望見即退走勝在軍未嘗一日懈弛恒如敵
至士卒精銳有自北方來歸者勝與之同臥起共飲
食示以不疑周其貧窶使其感激自是河北山東歸
附者日衆

魏勝乘時崛起號召豪傑委身百戰遂復海州可
謂致命遂志者矣非明于君臣之大義曷克臻此
哉○按當時以義兵崛起者宿遷魏勝高平王友
直皆負大義以宣朝廷之德意而成此恢復之志

也。勝嘗諭金兵自謂以仁義之師來復舊疆。友直有曰：權以濟事，權歸于正，何害于理？夫古之名將，知仁義，知權變者寡矣。惜當否運，各無成功。友直幸而令終，勝則不幸而戰歿。雖然，勝不幸而戰歿，其幸紹興貪生無恥者多矣。

李綱兼御營使，時詔諸路募兵買馬，勸民出財。綱言熙豐間內外禁旅五十九萬，今禁旅單弱，何以捍強敵而鎮四方？莫若取財于東南，募師于西北。若得數十萬付諸將以時練之，不久皆成精兵，此最爲急務。

于是詔陝西河北京東西路募兵十萬，更番入衛。河北西路括買官民馬，勸民出財助國。綱又言步不足以勝騎，騎不足以勝車，請以車戰之制頒于京東西路，使製造而教習之。

其車法用靖康間統制官張行中所創，兩竿雙輪，上載弓弩，又設皮籬以捍石，下設鐵裙以衛人足。長兵禦人，短兵禦馬，傍施鐵索，行則步以爲陣，止則連以爲營。每車用卒二十有五人，四人擁竿以軍車，一人登車以發矢，餘執軍器夾車之兩旁。每

陣二千五百人。以五之一為輜重。及衛兵。餘當車八十乘。即布方陣。則四面合二十乘。而輜重處中。次用團結之法。五人為伍。二十五人為甲。百人為隊。五百人為部。二千五百人為軍。伍長甲正隊將部軍統制官各以牌書所轄姓名。各招置新軍御營司兵。以此法團結。及詔山東山西諸路帥臣。並依此法。互相應援。有所呼召使令。按牌以進。

康濟譜軍政上卷十五 終

康濟譜軍政卷之十五下

松滋 潘游龍 輯著

吳江 趙玉成 鑒定

吳縣 金俊明 參評

嘉定 馬元調 訂閱

○陣法

周禮大司馬四時之教。仲春振旅。仲夏芟舍。仲秋治兵。仲冬大閱。

按仲春振旅者。執鼓鐸鐃。以教坐作進退。徐疾。

疏數之節。仲秋治兵者，所載旗物若太常旗、旌、旒、旒之屬。仲冬大閱者，所以立表陳車徒坐作馳行。此三時之教，皆所以習為行陳之法也。若仲夏之

芟

猶言草舍

則所以選車徒，讀書契，辨號名，而凡縣鄙

之名，百官之事，莫不辨之，又教以指營之法也。

曲禮：前有水則載青旌。

書青爵于旌

前有塵埃則載鳴鳶。

鳶鳴屬，鳶鳴則風生，風生則塵埃起。

前有士師則載虎皮。

虎威猛，兵衆之象。

前

有摯獸則載貔貅。

以上因卒伍銜枚不能傳道，且人衆廣遠，雖可周遍，故舉類示之，使

爲防也。

行前朱雀而後玄武，左青龍而右白虎，招搖

北

第七

在上急繕其怒。

隨四方之色，繪四方之宿，而各寓其所象，而標北斗于其中，以

見奉天伐暴之義，此丘氏引先儒言急，猶暴也。

進退有度，左右有局，各司其

局

局部

孫子曰：善戰者其勢險，其節短，勢如彊弩，節如發機。

紛紛紜紜，鬪亂而法不亂也。渾渾沌沌，形圓而不可

散也。吳起教戰，令短者持矛戟，長者持弓弩，強者持

旌旗，勇者持金鼓，弱者給廝養，智者爲謀士，鄉里相

比，什伍相保，一鼓整兵，二鼓習陳，三鼓趣食，四鼓嚴

辨，五鼓就行，聞鼓聲合，然後舉旗。

○將

北征錄曰見危授命古人亘節殺身成仁君子不恤
 是以忠臣義士每以所欠一死為恨苟無愧於忠義
 則死奚足靳哉至於將帥則不然操兩國之生死司
 三軍之性命吾之安危係社稷之存亡吾之憂樂係
 生靈之休戚別將遠征恐敗於無援漢武所以戒李
 廣孤軍深入慮有危困後世所以議鄧艾龐涓趙括
 不恤一俘遂至身殞國辱為萬世笑今之為將者每
 有委命不曰死節則曰死敵不曰以一死答國家則

此等處亦
 須平日辨

曰以一死報君父吁有死之榮無死之辱兵家固有
 貴死賤生之說矣然言士卒而不言將帥也奮死則
 生倖生則死兵家亦有好死惡生之說矣然論士卒
 而不論將帥也嘗聞士卒用命矣未聞將帥用命也
 嘗聞士卒不愛死矣未聞將帥不愛死也以是觀之
 忘命輕死者士卒之事也重命恤死者將帥之事也
 自今宜令將帥毋輕生而深入毋易敵而挑戰以沉
 厚不撓為法以玩忽輕舉為戒庶乎得將帥之體歟
 雖然死一也有愛焉者有畏焉者願與將軍決死戰

得清楚臨
時方有主
意然則大
將之任豈
可付之闇
鄙無志識
之人乎是
在將將者

握機之論

此愛死也。寇將率其眾來降。此畏死也。愛死者足以
死人。畏死者卒以死。身郭倬不死於符離。而死於市
朝之戮。皇甫斌不死於下蔡。而死於南郡之囹圄。是
皆不死其所當死。而死其所不當死。抑又可為將帥
倖生者之戒。

按宋李綱曰。兵家之法。戰則敗。不戰則勝。兵家之
秘。有戰則有敗。不戰則無敗。非兵果不事夫戰也。
戰則勝負勢均矣。伐謀者。孫子謂之上兵。而攻城
伐兵之策。皆為次下。故齊人之得舒。不曰戰。而曰

所謂長莫
長於博謀

取魯人之於蔡。不曰戰。而曰入。齊人之於紀。不曰
戰。而曰如。韓信之於安邑。不曰戰。而曰襲。曹公之
於江陵。不曰戰。而曰下。夫邀正正之旗。擊堂堂之
陣者。戰也。士卒之事也。立於不敗之地。而不失敵
之敗者。不戰也。將帥之事也。今之將帥。所以動輒
敗。衄者。皆專學戰。而未得夫不戰之妙也。司馬法
論國雖大。好戰必亡。孫子以不戰而屈人之兵。為
善之善。吾固願為將帥者。招致謀臣策士。講求不
戰之法。故次士。

長
卷十五
軍政下
四

○士

北征錄曰孫子論間篇有曰殷之興也伊摯在夏周之興也呂牙在殷夫殷周之王固天命所攸歸何伊呂之能為興亡哉蓋天命之去留係豪傑之去就羅其英雄則敵國自下秦實無人始為可圖季梁猶在則腹心之憂未去故用間之法不以人材之未附為國家之急而以人材之外附為國家之大患五就湯五就桀者所以為造邦之臣去虞而虞亡之秦而秦伯者所以為霸者之佐韓信不用於楚而用於漢此

高祖之所以得天下樊若水不官於南唐而官於宋此藝祖之所以得江南蓋豪傑之士用之於朝廷則可以為忠臣為義士棄之於山林則可以為亂臣為賊子所以古之聖賢務繫英雄之心如黃石之著三略近攬英雄如鄧禹之告光武解衣推食以固其樂為我用之心吐哺握髮以啟其無鄙我之意斯為善耳夏雖未亡而摯去則亡周雖未興而望至則興豈不可畏哉自今宜廣行招致幕府將帥精加延攬使無遺於草萊使無逸於郊野取之不拘勢分用之不

嫌細故將見襄淮之翹楚。江湖之豪放。荆楚劍客。烟波釣徒。風聞露集。臂奮鬣鼓。求備吾之採擇矣。

李筌曰。勇怯者性。強弱者地。秦人勁。晉人剛。吳人怯。蜀人懦。楚人輕。齊人詐。越人澆薄。海岱人壯。淮泗人懦。崆峒人武。燕趙人銳。涼隴人勇。韓趙人厚。地氣所生。人氣所受。勇怯然也。第勇怯在謀。疆弱在勢。謀能勢成。則怯者勇。謀奪勢失。則勇者怯。既秦人勁。申屠之子。敗於曉關。社洪之將。北於馘水。則秦何得而稱勁。既吳人怯。吳王夫差。兵無敵於天下。敗齊於艾陵。

長晉於潢池。則吳何得而稱怯。既蜀人懦。諸葛亮撮巴蜀之衆。窺兵中原。身爲僵屍。而威加魏將。則蜀何得而稱懦。既楚人輕。項羽破強秦。虜王離。殺蘇角。威加四海。諸侯俯伏。莫敢仰視。則楚何得而稱輕。既齊人詐。田橫藏五百。歿士。東奔海島。及橫歿。同日仗劍。則齊何得而稱詐。既越人澆薄。越王勾踐。以殘亡之國。恤孤之衆。凡九年滅吳。以弱攻強。以小取大。則越何得而稱澆薄。既燕趙人銳。蚩尤敗於涿鹿。燕丹歿於易水。王浚縛於薊門。公孫戮於上谷。則燕趙之人。

此在今日
最切要之
論早能行
此則老不
定平矣

何得而稱銳。既涼隴之人勇。符堅擁全晉之師。百有
餘萬。投鞭定偃江水。恃其勇也。及淮泗之敗。草行露
宿。夜聞風聲鶴唳。以爲王師將至。則涼隴之人。何得
而稱勇。可見勇怯在乎法。成敗在乎智。怯人使之以
刑。則勇。勇人使之以賞。則死。能移人之怯。變人之心
者在刑賞之間。勇之以怯於人。何有哉。

大都世之危亂。民之失業。與夫兵之潰敗者。多聚
而爲盜賊。誅之則不可勝誅。且力有所不給。惟因
而招納之。以爲我用。其利有五。以弭內患。一也。以

禦外敵。二也。善良脅從者。可散而歸。田畝。三也。強
猾勇敢者。可籍以備行陣。四也。以盜賊攻寇。讐勝
則享其功。敗則不足惜。五也。晉光武用綠林。而致
中興。曹操用黃巾。而破紹術。太宗起晉陽。取關中。
以定海內。亦多招徠羣盜而用之。然非恩足以結
其心。威足以讐其氣。則用盜賊有五難。已嘗放肆。
而欲收其忿戾之心。一難也。已嘗虜掠。而欲窒其
貪婪之意。二難也。易置將帥。則懷疑。三難也。畀之
部曲。則易叛。四難也。恩過則驕。威勝則怨。而反以

為患五難也。惟善馭者，恩威並用，寬猛兼施，內得其心，外得其力，使殺敵如殺人，取敵如虜掠。雖易將帥而不疑，雖界部曲而不叛，與正軍相為表裏，而無驕怨之患，不幾乎光武、太宗、曹操之妙術也乎哉。

○選兵。齊有內政，匡合成。楚有荆尸，郟敖霸。秦有銳卒，六王并。魏有武卒，大梁強。趙為胡服，拓地千里。吳教車戰，主盟中國。此兵以選而精也。有孫武而宮人

可陣，有韓信而市人可闕，有李抱真而隴畝皆兵。郭子儀領朔方而一軍皆忠義，岳家軍難於撼山。此兵得將而練也。

戚繼光曰：方今承平日久，編民忘戰，卒然選兵，兵有額數，餉有限，給切不可用。城市游滑之人，但看面目光白，行動輕利者是也。最宜用鄉野老實之人，黑大粗壯，辛苦手面，皮肉堅實，有土作之色，畏官府法度，易於訓伏。今專取豐偉，或取力大，或取武藝，或取伶俐，不思苟無膽氣，豐偉不便疾趨，武藝或至倉皇，伶俐

果有畏悔則
心未死心未死
而欲具出方奏
功也難矣不如
再與申明令
其自定行止

身濟詩 卷十五
例或至規避。惟膽氣之蘊蓄必有精神透露而相法
尤忌灰凶之形。重福氣之相。此盡選人之法矣。
又曰。編立隊伍。籍記年貌貫址之法。必在選時一日。
內了當。若待次日。則我所選中之人。又更換一半矣。
何則。新集鄉民。不知法度。惟聽熟人之言。倏起投兵
之思。則一時憾不入選。威嚴之臨。或有人恐以禍福
倏生。畏悔之念。便又要回家。渠此時既未受約束。又
未食錢糧。不惟無所繫抑。且無所畏。日選日更。無日
可定矣。

又曰。選兵既得其道矣。其法不過相貌精健而四十
上下皆健也。二十以上皆健也。所用之器。必長短相
雜。刺衛兼合。而我之選士者。無分辨一槩給之。則如
藤牌宜於少壯。便健。狼筈長牌宜於健大。雄偉。長鎗
短兵宜於精敏。有殺氣之人。皆當因其才力為授習。
苟一槩給之。則年近四旬。筋力已成。豈能以圓徑二
尺之牌。而跪伏委曲。蛇行龜息。以蔽堂堂七尺之軀。
伸縮進退。神出鬼沒。以縱橫於鋒鏑間耶。若狼筈長
牌等。授之以少年健兒。則筋力未成。豈能負大執重。

老○老○成○成○立○於○前○行○以○為○三○軍○之○領○袖○翼○蔽○也○

又○曰○操○兵○之○道○不○獨○執○旗○走○陣○於○場○肆○雖○閒○居○坐○睡○

嬉○戲○亦○操○也○善○操○兵○者○必○使○其○氣○性○活○潑○而○不○至○於○

謹○謹○散○野○或○勉○而○冗○之○或○勞○而○息○之○又○必○須○收○其○放○

心○欲○使○之○秉○叟○兢○業○而○不○至○於○懈○若○不○振○故○夫○為○將○

之○道○使○人○樂○死○而○惡○生○是○拂○人○之○情○矣○蓋○必○有○生○道○

存○乎○其○間○令○人○悉○知○而○不○至○於○死○也○所○謂○恩○賞○者○不○

獨○金○帛○之○謂○雖○一○言○一○動○亦○可○以○為○恩○所○謂○威○罰○者○

不○獨○刑○杖○之○謂○雖○一○語○一○默○亦○可○以○為○威○兵○之○勝○負○

者○氣○也○氣○無○嘗○盈○勝○則○洩○而○敗○則○餒○能○治○氣○則○嘗○勝○

矣○

迂○菴○子○曰○古○謂○兵○練○者○愈○强○愈○戢○兵○不○練○者○愈○弱○

愈○驕○練○而○戢○如○人○家○子○弟○稟○父○兄○之○訓○肅○肅○雍○雍○

東○西○南○北○惟○命○不○則○為○驕○子○而○已○矣○夫○驕○子○未○有○

不○敗○家○者○也○今○日○之○事○棘○矣○兵○以○戲○為○選○將○以○貪○

為○練○不○至○無○兵○不○已○試○籌○急○着○則○舍○土○著○而○訓○練○

之○似○無○別○策○夫○練○土○著○則○人○皆○可○用○家○自○為○守○急○

則○為○兵○緩○則○為○農○聚○散○之○間○兩○有○歸○着○此○李○抱○真○

種世衡所以稱雄於唐宋耳。今有能如李種二公
籍土著而懸賞教射天下無不精之兵矣。

○八陣圖說

嘗觀握機經馬隆贊卽魚腹圖八陣畫隊陣地軸十
二居中。天衡八隊居前。又八隊居後。天前衝四隊居
右地前衝六隊次之。天後衝四隊居左地後衝六隊
次之。風八隊居四維。雲八隊居四角。此天地風雲四
陣爲四正也。天地前衝爲虎翼居右。天地後衝爲飛
龍居左。又風變爲蛇蟠。雲變爲鳥翔。此龍虎鳥蛇四

陣爲四奇也。然八陣中有握機之數。寓於地軸。共爲
九陣。卽九夫爲井之制也。八陣外有遊軍。或驚其左
或驚其右。或分爲疑兵。或設爲伏兵。或絕敵糧道。或
邀遮敵人。或夜擊敵營。或尾擊敵後。或軍行未止。營
舍未定。行列未正。必先巡警八面。斷敵來道。以防卒
然之衝突。皆臨時別變。錯綜八陣而用之。卽井田有
溝洫。爲之經緯者也。此法古人所未言。然其教則起
於參天兩地。兩地之數衍而爲四。爲八。參天之數衍
而爲六。爲十二。合之爲六十四。總之八十八。其部隊

但須識此
中變化神
妙之用切
不可拘文
泥圖以求
之則應用
在我矣

則有戰前隊迎敵有正隊更化有奇隊若非奇隊則
正隊不能以更化又有駐隊自固有輔隊爲駐隊之
衛有殿隊爲駐隊之後拒若非殿隊輔隊則駐隊不
能自固要之隊間容隊陣間容陣隅落勾連曲部相
對四面八向隨感而應嘗以逸而致勞以實而擊虛
其法可謂密矣近年諸將併與陣法而失之乃謂古
與今異戰則戰耳奚以陣爲曷不思陣法果何從而
起乎衆則易亂亂則易潰於是隊伍之法生焉苟謂
陣法無以用之則三軍之衆若何而布列是以士卒

自占其地而布列無法也使士卒自占其地則隊伍
必然紛亂而不整布列無法則勢如風痺左右不能
相顧首尾不能相應豈是奇正生生之妙行陣無奇
正隊伍不整治皆必敗之道也項羽二十八騎猶有
陣法分爲四隊四面馳下期山東爲一處况兵計十
萬豈可無陣法自黃帝迄本朝皆用陣法豈今一
旦獨不可用乎

迂菴子曰歷考兵戰用陣法而勝者多不用陣法
而勝者少凡不用陣法而勝者皆出於彼此浪戰

均無法制。其間有以勇而遇弱。以衆而遇寡。以治而遇亂。以和睦而遇怨離耳。烏可執一廢百。指其倖者。以爲嘗哉。丘文莊有曰。時勢不同。面勢不一。地之險易。卒之多寡。敵之強弱。知愚勇怯。多不同。陣法未必一一可用。但用之。雖在乎應機習之。則在乎有數。譬之學奕。然局面雖不可預料。而行動機變。則不可不預知也。

凡軍行止布宿。皆以方正爲體。其法用三十五隊。合爲一陣。以十五爲戰隊。十爲駐隊。四爲電擊。三爲中軍。三爲殿後。及左右踵。中軍居中。電擊居四脇。戰隊居前。駐隊次之。殿及左右踵。又次之。其形勢如臂腹足。互爲羽翼。故能相救。而無孤守之患也。

凡兩軍相迎。在百步外。戰隊整肅。電擊先出。乘敵未定。攻弱搗虛。或擊其左。或擊其右。倏忽往來。迅速如電。利則大軍繼進。不利則退居四脇。

有電擊破敵。有戰隊應敵。又有駐隊代換。則我軍嘗逸。而彼軍嘗勞。我士嘗飽。而彼士嘗饑。我氣嘗足。彼氣嘗乏。此已足以破賊。而又置殿後。與左右踵。何也。

蓋防敵人分兵攝我後也。若敵二而巳一，則敵必分兵襲戰。若分兵當前而來，則以戰隊為正兵，電擊為奇兵。若分兵自後而來，則以駐隊為正兵，殿後與左右踵迭為奇兵。若分兵自左脇而來，則戰隊左脇引而向上，駐隊右臂引而向下，合以圍之中軍。三隊便為正兵，從中出奇以破之。若分兵自右脇而來，其戰如前法。所謂四頭八尾觸處為首也。八陣戰法大都如此。每一陣中各有奇正，奇正之外又有餘奇。餘奇兵或用為伏，或用為襲，或用為躍，或用為疑，或用補

闕敗。皆非正隊，數俱藏於中軍。大將觀敵變動，臨時分遣其法。蓋存於分數，此乃武侯秘而不傳者。黃帝所謂餘奇為握奇是也。


凡布大陣，當以十分之三為奇伏。設有萬人，則以一千五百人為兩奇，一千五百人為兩伏。正陣如身，奇伏如足。三者一體，迭相救援。八陣則風雲在兩旁，即兩奇遊軍在陣後，即兩伏也。裴子野有揚奇備伏，四軍皆奇兵，分而為八，逐便而居。大約揚以設疑，奇以續戰，備以補缺，伏以設覆。然亦不出奇伏三軍也。

大都先王之兵。不過平列行陣。以教聲容號令而已。不教以分合變化之節也。其防微杜漸如此。李唐之初。番漢雜處塞內。李靖兼領其將卒。不得不姑設爲詭道以愚其耳目。乃創而爲六花陣。一以爲營。五以爲方。圓曲直銳之形。每教開一陣。各五變。凡二十五陣而止。雖教之分合變化之節。特爲花步耳。至於臨敵無所用之。臨敵之時。相視地形。或丘陵林谷。平陸斥澤之不同。或高下險易。廣狹。或生支掛之不同。而因以制夫步騎多寡。疎密。輕

重。分合奇正之所宜而已。非真有方圓曲直銳之地形。方圓曲直銳之陣勢也。黃帝之陣。前後左右中。五軍分五方而布之。號爲五行者。乃俗人不知其理而加之名耳。黃帝未嘗有形也。

○武侯八陣圖附後

武侯魚腹江八陣圖



武侯

卷十五 軍政下

六

武侯瞿塘八陣圖




武侯


卷十五

五

武侯方陣圖




武侯八陣開門四分正四奇四冲圖




武侯方陣圖
卷之五
軍政下
三

武侯八陣開門四分正四奇四冲圖
卷之五
軍政下
六


武侯圓陣圖




武侯曲陣圖



武侯銳陣圖



武侯直陣圖




○俞大猷駐陣方圓圖形




此爲駐陣於曠蕩之野。不外方圓二形。或因地勢不便。爲曲爲直爲銳。則在隨時演布也。若夫重疊幾層。多寡幾隊。大小隊各幾人。則又在酌量我兵

衆寡之數。隨時演布。而各加以名號。安得以一圈爲隊。一畫爲行。先筆之紙上耶。故今只具方圓二形。不用圈點爲數者。要以活心活法。望於人者也。夫陣者。定也。古人制陣。雖有不同。其中要妙之法。惟在乎表裏相應。首尾相救。陣隊相容。形名相別。衝之不亂。撼之不動而已。學者益隨機應變。因時立宜。舉古人可用之法。按而行之可也。若穿鑿附會。強執一圖。謂足以應敵制勝。恐徒讀父書。以誤國事者。又不獨趙括一人而已。

俞大猷戰陣三疊勢圖



戰陣奪前
蛟勢圖



右二形不同而數皆用伍。乃見敵之時。於駐陣之中。發其精銳。以接戰者。其發敵在五百步。或一千

步之外。則鼓聲和均。徐徐而行。各以後隊之兵。行
出前隊之前而止。書謂不愆於六步七步。乃止齊
焉。是也。及敵至五十步。或一百步之間。則鼓聲播
急。踴躍前衝。各以後隊之兵。衝出前隊之前而止。
書謂不愆於六伐七伐。乃止齊焉。是也。先合為正。
後衝為奇。奇復為正。正復為奇。如環之循而不可
窮。如圓石之轉千仞之山而不可禦。地窄只用一
伍。寬則用十伍。百伍。千伍。亦可也。地窄只用戰隊。
寬則加以翼隊。包隊。伏隊。應隊。亦可也。然兵進輕

退重進易退難鳴金而退一如進法各以前隊之
 兵退立於後隊之後更番止齊盡如迎戰之勢乃
 可也噫進退之際不止則不齊不齊則不整敵皆
 得反而乘我止以齊之節以制之千古兵法盡在
 茲乎

○附練兵

嘉靖之季海上中倭淞帥戚繼光立功台紹間朔
 為陣法有鴛鴦陣屢用屢效其式詳紀效新書
 其法曰平時用破格之號令施極重之賞罰嚴如

此最微精
 之論可見
 時時費用
 朝氣

霜雪以立威信或以教場中行臨陣事或以談笑
 間陳刀斧威其所以佐威信之必行而無他虞者
 或親執湯藥以調下卒或同勞苦以供跋涉雖士
 卒一尺之器亦親經較驗而身先習之為諸士倡
 夜無終寢之席日無不吐之哺此心無時刻少怠
 雖累勝之卒而馭之更百倍於未勝之先也夫方
 寸之微出入無鄉一少恃其舊氣便着障根以漸
 變去便至不可收拾是故世未嘗無百戰百勝之
 卒惟在我無百戰百勝之心耳及於用兵臨敵則

去戰期二三日之前。先以塘報約之。重期厚賞。追隨賊之動靜。圖報賊之地利。凡賊一舉動必有報。凡踰一時辰必有報。又至舉戰一日之前。則所部親兵能卒多至一二百人。盡數分遣。四布賊之左右。及或有入賊之腹心者。凡賊分合出入。多寡向往。進兵路徑。舉皆洞然。方以其所得情形。或以泥塑為山谷巢穴狀。或以硃墨筆圖別分布。使各頭目了然。如素履。然後尅期分路。如所議。給信票。口令以進於敵所。未陣而恐其遲。及陣而恐其敗。交

將不疑於兵

將不疑其兵

必如此始無不錄之功。無不治之罪。而賞信罰必號令嚴明矣。

如此則士無所藉口

陣而恐其誘。既勝而恐其驕。精神心意舉無不流。動於士卒敵人之間。而凱收之餘。又復如解衣以收亡骸。出帑以恤孤嫠。重其鋒鏑之賞。而明其連坐之誅。雖大敗中亦有必賞之士。大勝中不無行刑之人。器械行伍一戰即如故。則不更。兩戰之後。雖全師如故。然士卒輕傷亦多。器械損折亦多。必星夜擇其中軍一哨。或頭目有事故者。伍下之人。分投補足。以中軍所蓄器械。即移貸之。務使戰管行伍一卒不缺一器。不之。然後又為再出之舉。八

亦得以責
其效用

陣所謂游兵二十四隊。防備設疑補缺之用。正謂此也。是以各營時時有嘗足之額。人人有嘗盈之氣。今吾之中軍者。卽八陣之游兵也。此在主將決當嘗備數百人。親養練於中軍。臨時方得如此設施。若平日無備。一時豈能呼召。用之出征異地。尤爲緊要。此固多術。亦爲局方。至因敵轉化。因變用權。因人異施。用情措法。消息之以神妙。不測又非筆舌所能告也。

其辨方位曰。凡旗幟製八方。則色雜而衆目難辨。卽以東南西北爲名。愚民一時迷失方向。亦難認。惟左右前後屬一人之身。雖一人皆有前後左右。庶爲易曉。而在讀書有位者自知。卽五方五行之製也。然不可以之責行伍之人。凡面所向謂之前。則用紅旗。卽方爲南。行爲火。火之色屬紅。神爲朱雀。卦爲離。凡面所背謂之後。則用黑旗。卽方爲北。行爲水。水之色屬黑。神爲玄武。卦爲坎。凡左手所指謂之左。則用青旗。卽方爲東。行爲木。木之色屬青。神爲青龍。卦爲震。凡右手所指謂之右。則用白

旗卽方爲西。行爲金。金之色屬白。神爲白虎。卦爲兌。凡脚下所立謂之中央。則用黃旗。卽行爲土。土之色屬黃。方爲中。神爲勾陳。卦爲太極。凡人一身皆有左手右手。面前背後中央。此人人可曉。若舉點黃旗。則是中軍欲變動。聽號令施行。若舉點紅旗。則是前營兵欲變動。聽號令施行。若舉白旗。則是右營兵欲變動。聽號令施行。若舉青旗。則是左營兵欲變動。聽號令施行。若舉黑旗。則是後營兵欲變動。聽號令施行。仍不必拘五營之次。但見舉

孫之用兵
主於嚴
所謂節制
之師也乃
至斬吳王
受姬此又
法行自近
之道故曰

黑旗。俱要往後看。但見舉紅旗。俱要往前看。但見舉青旗。俱要往左看。但見舉白旗。俱要向右看。但見舉黃旗。四面俱要向中看。若見五方五旗俱舉。點各營四方各炤本方向外執立。聽號令施行。凡舉點向何方。隨其所點向往。旗不定。不止。旗不伏。不坐。善哉。孫武子教宮嬪曰。汝知而左右心背乎。嗚呼。此教戰之指南也。其原束伍曰。夫營陣之法。全在編派伍什隊哨之際。計籌之定。若無預於營陣。然什伍隊哨之法。則

唯所欲用
之雖赴水
火猶可

或爲八陣。爲九軍。七軍。十二辰。古人各色陣法。皆在於編伍時已定。一加旌旗立表。則雖猷畝之夫。十萬之衆。一鼓而就列者。人見其教成之易。而知其功出於編伍者鮮矣。故營陣以伍法隊哨爲首。乃以束伍貫諸篇。使知次第。今法長牌一面。籐牌二面。狼筈二把。長鎗四枝。短兵二件。火兵一名。爲一隊。方而爲九。直之爲二。伍分而爲三。才爲五花。四隊爲一哨。虛其中哨。長居之。四哨爲一官。虛其中鳥銃火器哨。官居之。每前後左右四哨爲一總。

把總居之。設與五方旗一付。高招一付。巡視旗四件。掌號一名。金鼓十二名。初謂銃手自裝自點。放不惟倉卒遲延。且火繩炤管不及。每將火藥燒發。嘗致營中自亂。且一手托銃。一手點火。點畢且托之。卽不中矣。命砲手自聚爲伍。四人給砲四管。或專一人擎。一人點。放二人專管裝藥。抽換其點火。一人兼傳遞。庶無他失。可以成功。但此法只可施於城守。若臨陣。不無人路錯亂。引軍奪氣。邊銃可用此法。鳥銃還是單人自放。又便。

此說甚核

其調發說曰平時操練既不能惜光陰於閒暇且
教者或非其所用一旦有事又復立名選鋒每哨
隊內抽其愿者强者湊合而發但知兵無選鋒之
慮獨忘臨敵易將之危人心或便所屬行伍分離
上下易置已難責成至於功不能成實明授以藉
口之柄此後各官所部兵馬但遇調發不分強弱
止將所部官職各書牌調發彼既任教練之責於
平時而臨陣失律必無辭以他諉且知其終於自
任亦必殫心教練期以所部自見况選鋒之說蓋

此極痛快
極精當之
論且其文
明白可以
遍曉士卒
也

選於無警之日非選於對壘之秋一營之內未嘗
盡強而無弱兵家亦未嘗棄弱而不用也
其號令說曰凡你們的耳只聽金鼓眼只看旗幟
使看高炤雙燈如某色旗豎起點動便是某營兵
收拾聽候號頭行營出戰不許聽人口說的言語
擅起擅動若旗幟金鼓不動就是主將口說要如
何也不許依從就是天神來口說要如何也不許
依從只是一味看旗鼓號令兵看各營把總的把
總看中軍的如播鼓該進就是前面有水有火若

如何竟要
使他水火
裏去如何
他便肯去
思之思之

插鼓不住便往水裏火裏也要前去如鳴金該退
就是前面有金山銀山若金鳴不止也要依令退
回肯是這等大家共作一箇眼共作一箇耳共作
一箇心有何賊不可殺何功不可立
其對敵說曰兵所以敗有三素無節制一也未見
敵而先走二也既無營壁可恃人膽先怯卒皆野
戰即使勝之不足以當賊更番終於敗潰不勝亦
無所奔依故奔北長往所謂無制之兵有能之將
不可勝三也今紹前營已定如賊來衝或二三人

或五六人我兵俱伏旗息鼓器械俱偃肅不動待
彼衝到六七步內亦不動賊必退去漸益前來如
加至百十以上砲手炤依對敵次第俱隨牌立於
濠畔高土之上如令打放空者復裝飽者續放放
者復裝裝者又發如此則雖終日放砲必無放盡
不續之失弩射手坐於畔土之下亦如令間名准
射射者後續亦不歇竭比至十步之內長牌聽鼓
堵牆而進鎗刀短棍夾牌而入大營相應金鼓火
炬此節制陣戰也戰間旁擊以分其力游伏以疑

其事出奇以乘其衆。更番妙處。俱在臨時制變。將所自出。

又天下夜營說曰。兩澗自用兵以來。每遇敵。晝則空腹圍戰。夜則又饑奔二三十里外。或人家。或入城郭宿歇。至曉復合。而賊於一夜之內。預設奇伏。轉移流突。我兵及明。尋覓賊所。行疲氣怠。又有未戰而已過其賊者。有之。卽不入其伏。定失其地利。是以我勞而不及謀。賊逸而伏多中。爲今之計。夜營計熟。復有炊竈宿飽於野。遇敵卽與晝夜相持。

遇倦以奇。遶之。遇暗以死。士乘之。將見賊欲散掠。而畏兵相守。不敢分其勢。欲聚戰而我有守具。不得與我戰。炊竈無所。饑竄必矣。犄角上策。無出乎此。後開旗上燈籠布罩者。夜操之具也。布城蒺藜拒馬者。立營之壘也。炊鑊等者。治營之器也。陳絳曰。兩將相敵。則賢者勝。兩賢將相敵。則主之能任賢者勝。范蠡之於伍子胥也。田單之於樂毅也。白起之於廉頗也。王翦之於李牧也。韋孝寬之於斛律光也。主有任有不任也。諸葛孔明之於司

馬懿皆任也。故功不能獨成焉。

吳起之戰。利用智。羌胡之戰。利用勇。智在相機。勇在養氣。相機者。務使鬼神不可知。養氣者。務使身家不肯顧。此百勝之道也。○三軍要他輕生。萬姓要他重生。不重生。易於為亂。不輕生。不能戡亂。皆至言也。

不肯顧較
不敢顧更
淺一層

○令

按唐李靖有曰。古之善為將者。必能十卒而殺其三次者。十殺其一。三者威振於敵國。一者令行於

勢不兩立

三軍。是知畏我者。不畏敵。畏敵者。不畏我。如盡忠及時。輕利重節者。雖讐必賞。犯法怠惰。敗事貪財者。雖親必罰。服罪輸情。質直敦素者。雖重必捨。游辭巧說。飾偽狡詐者。雖輕必戮。善無微而不贊。惡無纖而不貶。斯乃勵眾勸功之要術。昔馬謖軍敗。諸葛亮對泣而行。誅鄉人盜笠。呂蒙先涕而後斬。馬逸犯麥。曹公割鬚而自刑。兩掾辭屈。黃蓋詰問。而俱戮。故知威克其愛。雖小必濟。愛勝其威。雖多必散。蓋賞罰不在重。在必行。不在數。在必當。故尉

本必如此
乃始畫一
可守

繚子曰吳起與秦人戰戰而未合有一夫不勝其
勇乃怒而前獲首而返吳起斬之吏曰此壯士也
不可斬吳子曰雖壯士然不從令者必斬之故須
勸之以重賞威之以嚴刑隨時而與之移因機而
與之地可謂不濫矣

許洞曰大將既授命總專征之柄犒師於野畢而下
令焉

一聞鼓不進聞金不止旗舉不起旗低不伏此謂
悖軍如是者斬

一呼名不應召之不到往返愆期動違師律此謂
慢軍如是者斬

一夜傳刁斗怠而不振更籌乖度聲號不明此謂
怠軍如是者斬

一多出怨言怨其不賞主將所用屈強難治此謂
橫軍如是者斬

一揚聲笑語若無主將禁約不止此謂輕軍如是
者斬

一所學器械弓弩絕絃箭無羽鏃劔戟澁繡旗纛

凋敝。此謂欺軍。如是者斬。

一妖言詭詞。撰造鬼神。假憑夢寐。以流邪說。恐惑

吏士。此謂妖軍。如是者斬。

一奸舌利嘴。鬪是攢非。構怨吏士。令其不協。此謂

謗軍。如是者斬。

一所到之地。凌侮良民。逼勒婦女。此謂姦軍。如是

者斬。

一竊人財貨。以為己利。奪人首級。以為己功。此謂

盜軍。如是者斬。

一將軍聚謀。逼帳囑垣。竊聽事情。此謂揆軍。如是者斬。

一或聞所謀。及軍中號令。揚聲於外。使敵聞知。此

謂背軍。如是者斬。

一使用之時。結舌不應。低眉俛首。而有難色。此謂

狠軍。如是者斬。

一出越行伍。爭前亂後。言語喧譁。不馴禁令。此謂

亂軍。如是者斬。

一託傷詭病。以避艱難。甚或佯死。因而遂遯。此謂

詐軍如是者斬。一主掌財帛給賞之際阿私所親吏士結怨此謂黨軍如是者斬。一觀寇不審揆寇不詳到而言不到不到而言到多而言少少而言多此謂誤軍如是者斬。一營壁之間既非犒勞無故飲酒此謂狂軍如是者斬。此令既立吏士有犯之者大將諭諸將曰某罪當斬推出斬之隨傳告諸吏士曰某犯某罪與諸將

議當斬已處斬訖汝等宜觀此為戒是大將以禮行罰士卒無冤衆心知懼矣是以呂蒙涕泣而斬鄉人穰苴立表而誅莊賈此皆先遵法令後收功名者也可見軍法無貴賤之差要在賞罰當而號令明故士多樂於勇敢雖殺之亦不怨也

○料敵

宋李綱有曰善用兵者以料敵為巧非第料其強弱虛實而已能料敵之情而勢必至於此斯為巧矣

孫子曰勇
怯勢也膽
因魏輕齊
而滅竈示
怯是也

先軍水上
欲致將士
之死戰也
拔趙旗而
立漢幟者
欲趙人之
驚散也

孫臏為齊救趙引兵以趨大梁知魏數輕齊也故滅
竈以誘之魏將龐涓果棄大軍與輕銳倍日並行逐
臏又能度其行暮當至馬陵伏萬弩夾道期見火俱
發而破魏軍遂殺龐涓

韓信擊趙引軍東下井陘知趙軍未見大將軍旗鼓
未肯戰也故使萬人先行背水陣而棄旗鼓趨水上
軍以誘之趙軍果爭漢旗鼓逐信又能度其空壁逐
利先出奇兵馳入趙壁拔趙旗幟立漢赤幟而破趙
軍遂斬成安君泜水上

寇恂之降高峻李光弼逐史思明巴載才識卷中
茲不復贅蓋料敵若四君可謂巧矣惟料敵之巧
如此故足以立奇功若兩軍相持不能料其強弱
虛實而欲能制勝者未之聞也

○採揆

北征錄云兵家之有採揆猶人身之有耳目也耳目
不具則為廢人採揆不設則為廢軍故杜預設絳白
之旗而見敵有辨馬成設烟火之隊而事皆預知趙
充國之破先零得高山遠望之便呂蒙之襲關羽得

有此二忌
所以概置
不談殊可
痛恨

縛屯埃之計，渾越之計，義武因邊備不設，故深入賊境而敗其師。李愬之入蔡州，乘埃吏不知，故直入賊營而擒元濟。彼有賊至帳中，軍吏未覺，賊至帳內，簫鼓未絕者，皆繇探揆不明也。今廟堂惡聞邊備，將帥不買間諜，無事而修邊防，則謂之引惹邊事。有事而論形勢，則謂之漏泄兵機。所謂夾山之張、合肥之魏、磨盤之王、正陽之邊、塗山之石、花靨之解、安豐之倪、小王衝之張、蘆塘之朱、桐木之周、九里關之胡、石門之王、桐柏之吳、界山之江，故家遺俗，世相傳襲，其所

何時一洗
此積弊念
之慨然

為子弟，非過淮盜馬，則越漢運鹽，其所謂牙爪，非私販銅鐵，則私通淮貨。淮河之地，如其室家，商號之間，即其堂閫。紹興年間，如張、劉諸臣，皆廣行招致，以備緩急。近年以來，諸將例皆庸駑不材之士，上自宣召三司帥臣，下而江上諸軍將帥，未聞有一人能搜訪間諜，收拾遺逸，以資聽聞者。甚至邊埃不嚴，邊舖不設，無賞賚以維人心，無金帛以壯士氣。得事者無功，誤事者無罪。士不出境，揆不入賊。盱眙、山陽之於運海，安豐、花靨之於壽春，桐柏、唐城之於褒信，招信、濠

梁之於汴泗，相隔一水，相望一舍，烟火相接而莫知。屯兵之多寡，雞犬相聞而不知敵國之虛實，賊將之姓名，賊技之能否，賊勢之進退，賊情之勇怯，殆若異世。此無怪其敗喪也。惟置鋪法，召募間諜，遠明斥埃，則屯邊無事，得以休息，有事不至窘束矣。

○覘敵

李靖曰：凡是賊徒，好相掩襲，須擇勇敢之夫，選明察之士，兼使鄉導，潛匿山原，窺其聲，晦其跡，或刻爲獸足，而印履於中途，或上冠微禽，而幽伏於叢薄，然後

傾耳以遙聽，竦目以深視，專志以度事，機注心而候氣，色見水痕，則可以測敵濟之早晚，觀樹動，則可以辨寇來之遲速，故烟火莫若謹而審，旌旗莫若齊而一，爵賞必重而不欺，刑戮必嚴而不捨，敵之動靜，我必有其備，敵之去就，我必測其微，又必須先覘敵國道遠近，澇山川，豁谷險阨，城邑大小，溝渠深淺，潛畜積多少，豪杰姓名，審而知之，用兵之要也。

按許洞云：敵使來，目數動，色數異，而言肆者，刺客也。敵未困而請和者，謀也。敵卑辭厚幣者，驕我也。

使雖頻來而為寇不止者。侮我也。厚貨啗我左右者。欲構我密謀也。使來言語便利。欲兩國休解者。將掩我不備也。使言屈強者。欺我也。敵有此七者。宜細詳之。將為刺者。挾之。謀者。反其謀。驕者。反其驕。侮者。凌之。構者。示之。掩其不備者。復之。欺者。誅之。留使者。不可久。久則知我微。不如殺之。觀此則。覘敵為兵之本也。

○相地

武經曰。詳諸兵書安營之法。相視地形。各有所宜。今

大河之北。至於右北平千餘里。三關南北。幽燕恩冀之間。地平如掌。頓軍置營。方圓自取其便。惟溪溝高壘。大車為固。今西北銀夏麟府。鄜延環慶涇原秦鳳。地接隴蜀。南北數千里。地無百里之平。置營多在廣原大隴高坂之地。或尖斜。或屈曲。或披大山。或臨溪澗。就其地形。坡坂遞互相掩。人馬咫尺不相見。可以登高視之。遠見人馬。易為設備。今二廣之地。自荆湖之南。桂嶺至邕廣之地。山水重複。雖有平原。盡為水田。少有平陸。江山雖固。安營亦多占高原平曠之地。

分有以自
存然後措
之而安動
之而善立
其誠貴審
固耳

可以固守。近者農智高亦使丁壯沿山穿道。中夜斫
亂營寨。潰散人馬。又西南巴蜀之界。地接蠻夷。昔焚
綽蠻書云。高山峭壁。萬仞連天。深澗有底。莫測其原。
昔武侯屯兵舊迹。亦隨岩穴。礪道屈曲。坡坂之中。凡
置營陣之法。但求其地形穩便。臨時相度。人馬多寡。
有無出入通糧之路。四面無高岡大隴。視下之勢者。
可置營寨。亦不離九地之法也。意欲揚威示人。則虛
列廣張旗幟。勢弱減竈。臥旗伏戈。詳在主將目視。心
生隨四方山川水陸形勢。應時之變也。

許洞曰。古法曰。散地無戰。散地者。境內地土也。士卒
顧家。其意未專。不可戰也。輕地則止。入敵地。淺士卒
意未堅。不可以進敵。當自堅其心也。爭地則無攻。山
谷隘險之口。以弱勝強。以少擊衆之地也。交地則無
絕。俱可進退之地。不可以兵絕之。衢地則合。交有路
往來。我可以結交於諸侯也。重地則掠。深入敵境。士
卒意已堅固。可以掠取財物。圍地則謀。士卒困於險
隘。鬪則兵弱。持久則糧食乏絕。則當用謀。以免難。歿
地則戰。前有高山。後有大水。糧食乏絕。進退守備。皆

無所利。當此只得死戰也。此八者。古人用八地之法。若地協於用。則用之不協於用。則反之。反之謂何。若敵衆深入吾境。城壁不完。芻糧寡少。守且不利。詎可以散地而不戰乎。在我當以必戰為約。怯退示以必死。擒獲示以必賞。立令告諸吏士。將軍之際。後顧者斬之。臨敵而身不定。目數移者斬之。有憂色者。偃蹇者。相示而動目者。遺器械者。金鼓不應節者。皆斬之。獲一首級者。亦厚賞之。如是則有散地之用矣。

人敵地尚淺。險則據而挑。夷則守。慮士卒心不嘗固。擇左右前後皆險絕無生路。肅部伍嚴節制。使人人欲自戰。如是則有輕地之用矣。

山谷險隘。敵人先得以控搃我勢。我當屯師為大營。廣陣務攻具。露其氣機。狀如不密。俾敵見之。欲敵備在前。陰出精銳敢死者。循間道。或扼其糧運。或擣絕其後。凡間道必多險阻。或有巖岸峭壁之地。則為懸梯竹索。以陟降之。或有深淵絕澗。則為木桶壘。在渡之。敵覺內撓。則自營陣中出精兵為

應○內○外○夾○攻○有○爭○地○之○用○矣○

道○路○相○錯○我○可○以○往○彼○可○以○來○利○設○伏○進○戰○佯○北○
俟○逐○北○過○半○則○舉○號○發○伏○衝○擊○之○反○佯○北○之○師○以○
應○有○交○地○之○用○矣○

頓○泊○之○地○逕○達○四○面○當○選○腹○心○勁○勇○者○各○將○步○騎○
以○扼○四○衝○人○數○隨○多○少○使○之○雖○無○交○應○有○衢○地○之○
用○矣○

致○兵○敵○境○凡○屬○守○備○者○順○時○安○之○否○則○夷○之○資○食○
所○獲○必○付○吏○士○內○以○悅○師○人○外○絕○敵○所○恃○豈○直○澆○

入○然○後○用○掠○乎○如○是○則○用○掠○非○止○重○地○之○用○矣○

大○兵○將○動○先○料○其○強○弱○觀○其○雲○氣○察○地○勢○順○逆○審○
人○心○向○背○而○後○舉○焉○兵○法○曰○策○之○而○知○得○失○之○計○
候○之○而○知○動○靜○之○理○故○得○失○之○道○利○在○先○知○謀○勝○
於○未○勝○慎○失○於○未○失○者○善○也○有○成○地○之○圍○始○謀○於○
軍○者○必○有○後○機○之○困○矣○設○能○反○後○機○而○達○先○知○必○
無○圍○地○之○患○矣○

高○山○大○澤○險○阻○峭○壁○沮○洳○谿○逕○斷○無○可○生○遁○此○乃○
知○士○用○謀○之○利○也○當○出○其○不○意○以○衝○寇○敵○而○後○擊○

變則不窮
所貴通識

之出奇奔衝。或利用燧馬燧牛。如田單揚班之類。是也。或候夜昏詐為號。直犇衝敵師。混服飾軍伍。使不辨認之類是也。如止戈戰以為期。苟敵兵益壯。我後不繼。李陵有攻折矢盡之困矣。戰極力弊。當自隕陷竭智。用謀萬變不極。則無死地之憂矣。孫子有曰。兵貴設變。倘臨敵不能以變。用兵雖得利無益也。北征錄曰。爭山不得上。則利在趙。而不在秦。爭水不得渡。則利在漢。而不在楚。兩軍相遇。不據地利以抗

三據皆得
勢之說也
勢不可失
赴機難警
疾之疾之

之。詎能扼於倉卒哉。此據地之利有三。不可不知。

一曰據山。謂三軍遇敵。既無城邑。又無溝壘。近便有山。不拘高低。急遽以為險。靜以待敵。登高望遠。可見虛實。而施吾破賊之謀。發石斷木。可避鋒銳。而扼其逼我之勢。
二曰據水。謂三軍遇敵。進無可依。退無可保。近便有水。不拘淺深。急據以為險。靜以待敵。敵渡則伺其半涉。而擊其濟薄之師。敵逼則警眾以歿。而擊其背水之戰。

三日據林。謂三軍遇敵既無山阜可依。復無川澤可據。近有林木掩映。急遽以待敵。敵將而愚。則依林設伏。而敵不及備。敵將而智。則綠林發矢。而敵不可入。林燥則畏焚。而敵兵不敢搜。林密則畏絆。而敵騎不敢逼。然後張翼偽退。而反擊之。是謂之急遽也。

○賞

兵法曰。以賞爲表。以法爲裏。又曰。令之以文。齊之以武。是謂必取。統軍領衆。賞不明。則士卒不盡功。

罰不嚴。則士卒不整齊。故曰。賞爲陽。罰爲陰。賞罰平。則陰陽和。陰陽和。則寒暑不差。寒暑不差。則萬物得時。軍貴在上下和。上下和。則三軍如一。三軍如一。遇戰齊心。齊心則必勝。故孫武穰苴。賞罰明。則威加敵國也。至我

朝陞賞功次。軍職官有功。查勘明白。造冊到部。當陞賞者。各炤立功他方則例。具奏陞賞。其論功以剿殺北虜爲首。遼東女直次之。西番及苗蠻又次之。內地反賊又次之。其捕盜并緝獲妖言。亦有陞賞。

之例附見於後

洪武十九年令從征官沒於陣所者子孫襲職陞一等。二十九年令各衛指揮千百戶獲倭船一艘及賊者陞一級賞銀伍拾兩鈔五拾錠。在船軍士生擒殺獲倭賊一人者賞銀五拾兩陸地交戰生擒殺獲一人者賞銀貳拾兩。三十五年令官軍對敵之際能立奇功者陞二級頭功陞一級次功不陞。

永樂四年令一家陣亡二三人者陞二級。

宣德九年定南方殺蠻賊例。凡斬賊首三顆以上及斬獲首賊者俱陞一級。斬首二顆俘獲二人斬從賊首一顆以上及目兵兵款有功者俱加賞不陞。景泰元年令馬邑等處當先殺賊者百戶所鎮撫以上陞署職一級。總旗以下陞實授一級。不賞軍職。舍人有冠帶者陞實授百戶。無者陞所鎮撫文職。舍人陞試所鎮撫義男餘丁人等不分有無冠帶俱陞小旗。有不願加陞給賞其南方金沙江等處頭功四次三次及衝冒瘴毒亡者陞一級。陣亡者

此須詳核
不然將有
影冒之弊

陞二級。二年令遼東官軍二次當先斬獲賊首
馬匹者陞一級加賞。被傷及戰回死者陞一級。陣
亡陞二級。俱給賞一次。斬獲者陞一級。不賞。
三年令貴州香爐山等處獲功九次至十七次者
陞一級。內百戶所鎮撫以上殺獲三名顆者陞實
授不及數者陞署職。四年令父在而子孫隨軍
陣亡別無應繼者陞其父二級。五年令自己獲
功該陞而同籍親人有陣亡無嗣者許併其功於
見存之人通論陞賞。六年令浙江福建殺賊官

軍獲功五次至七次者陞一級。不賞。民快人等冠
帶。本身陣亡者與其子冠帶。仍給賞一次。至四次
給賞不陞。

天順元年令陝西殺虜領軍官并敵退劫營達賊當
先敗及擒斬賊級為首并陣亡者俱陞一級給賞。
其力向前并生擒斬獲為從者給賞不陞。其南方
誘獲苗蠻偽王侯殺賊二十五次至三十九次斬
首三顆擒賊首一二名及陣亡者陞一級給賞。十
三次至十九次斬首三顆者陞一級。不賞。殺賊二

十五次。至三十九次。斬首不及數。及陣亡土官人等。俱加賞。不陞。凡土官有功。無陞例。六年。令擒斬達賊一名。顆。為首陞一級。不賞。為從及傷故者。給賞不陞。七年。令六次先登。致敗達賊者。陞一級。加賞三次。及陣亡者。陞一級。給賞齊力策應者。給賞不陞。

成化二年。令官軍妄報功次。冒受陞賞者。事發革去。仍降原職。役一級。調衛差操。四年。令四川平山都掌官軍擒斬八名。顆以上。及俘獲男女者。陞二

奪去馬匹
亦要證驗
不然則有
詐匿之弊

級。加賞。七名。顆以下。有俘獲及陣亡者。陞一級。量賞。五名。顆以下。有俘獲。陞一級。不賞。三名。顆以下。及土官擒斬四名。顆以上。與陣亡土兵俱加賞。不陞。六年。令夜不收出境哨探。被賊殺歿者。陞賞。依陣亡例。奪去馬匹。免追。

十四年。申明陞賞功次。
一。甘肅。寧夏。陝西。延綏。偏頭。關。大同。宣府。山海關。一帶。虜賊。一人。擒斬。一名。顆。陞一級。至三名。顆。陞三級。驗係壯男。與實授幼男。婦女。與署職為從。及

四名顆以上俱給賞。

一遼東女直一人擒斬二名顆陞一級至六名顆陞三級。驗係壯男與實授幼男婦女自七名顆以上并不及數者俱給賞不陞。

一陝西甘肅四川貴州湖廣兩廣番賊苗蠻一人擒斬三名顆陞一級至九名顆陞三級。驗係壯男與實授幼男婦女自十名顆以上并不及數者俱給賞。

一內地反賊一人擒斬六名顆陞一級至十八名

顆陞三級。驗係壯男與實授幼男婦女自十九名

以上并不及數者俱給賞。

其功次須驗不係一日一處者方如前例。若係一

日一處之數止擬一級其餘給賞陣亡官軍與哨

揆被殺夜不收人等俱陞一級。

一陣前刀箭重傷者陞署職一級。當前次數多者

分別等第加賞。無傷而當先數多者止給賞。有輕

傷者亦加賞。

一俘獲賊屬人口。奮獲頭畜器械并齊力助陣者

量賞人口就給俘獲原主

一把總領軍官所部五百人擒斬達賊五名顆陞一級每五名加一級所部一千人者十名顆陞一級每十名加一級俱至三級而止二級實授一級署職若係都指揮使以上止陞署職二級其餘加賞別種賊寇推類而行已陞之外功次不及數者給賞

一陣前當先殿後斬將擐旗擒斬賊首等項奇功臨時奏議陞賞

一土官功次各炤前項地方則例陞散官至三級而止其餘功次與土人俱厚賞不陞不報捷官舍人等以擒斬虜賊多寡爲等第七十名顆以上賞衣服一套九十五名顆以上賞鈔一千貫陞一級一百十名顆以上賞衣服一套陞試所鎮撫別種賊寇遞加女直三倍土賊苗蠻六倍番賊十倍一軍人有功陞一級至小旗舍人陞一級至冠帶小旗小旗陞一級至總旗冠帶小旗陞一級至冠帶總旗總旗陞一級至試百戶冠帶總旗陞一級

至實授百戶。試所鎮撫陞一級。至實授所鎮撫。實授所鎮撫。陞一級。至實百戶。百戶陞副千戶。副千戶陞正千戶。正千戶陞指揮僉事。僉事陞指揮同知。同知陞指揮使。該陞都指揮都督者。類推而行。其軍人舍人至小旗。小旗至總旗舍人。至試所鎮撫。總旗至試百戶。俱無署職。惟百戶以上聽以次署陞。其署職至實授。亦作一級。有緣事該降。卽以此爲則。通降。

一官軍人等爭奪擒斬功次者。不許紀錄。

一詐冒功次者。勘問降一級。功次不准。

一出師監督總兵等官。并鎮守總兵。巡撫紀功。供給等官。班師之日。本部炤功次冊具奏陞賞。凡遠年功次。不許奏擾。

溷叙遠功 希圖陞賞 此軍中月 差通獎信 宜禁絕

內臣本不 宜令與軍 事故卽不 得已有之 亦當嚴其 勘報也

弘治元年。令領兵守備官。不得自報功次。所部旗軍。斬獲不及五名。顯者。領軍官。不准陞賞。十三年。奏准。跟隨內臣將官頭目。不分有無職役者。非奏帶。不許報功。果係奏帶獲功。該陞職役。只合註於本管衙門。不許希求註於錦衣衛。違者。該陞職役。



俱革罷扶同勘報者叅究治罪

一凡臨陣報有斬獲賊級者紀功官從公審驗若用錢買者賣者俱問罪係官旗就在本衛係軍發邊衛民并軍丁人等發附近俱充軍若虜寇犯邊官兵明知被虜人口遺棄在彼因而妄殺冒作賊級者與殺平人者一體論斷

一凡擅殺平人報功其本管將官頭目失於鈐束者問罪量其所殺多寡輕則降級調衛重則罷職充軍俱奏請

功迹難書
詳核然大
要即時對
定為是不
然陳者漸
紛而入於
難稽矣

一將士得功主將即時對定明具姓名申奏不得以隨身牙隊親識移換有功人姓名致抑壓先鋒遠揆及臨陣効命之人如士卒顯有功狀為人移易抑壓者許經隨處官司自言

一申得功將士使臣及奪到軍資器械并戰時月日戰處去州縣遠近仍具部預等姓名聞奏亦須文字簡速不得淹滯

一定將士戰傷內臨陣者如背後傷中不在賞例若深入殺賊斫營陷陣雖傷中在背後不緣退怯

亦與賞

一應隨軍賞賜錢帛袍帶等約數將署備軍前合
要即時支給外若將士得功應賜者並主將先給
印紙開坐色件付身其印紙不得臨陣對壘給散
別致喧擾軍回日所在州軍疾速申請若有違約
束者斬

○罰
夫三軍之衆。畏我則不畏敵。畏敵則不畏我。此賞
罰之所以設也。明將知其然。故彰利示害。以曉衆

信賞必罰以勸功。及對陣交和。咸見斧鉞爵祿之
具。在則士卒雖欲勿戰。亦不可得也。故使疲者勇。
懦者決。進無倖。生退有必。歿焉。昔戰國時。秦人兵
力最雄。蓋能教蓄銳士。令之以慶賞。齊之以刑罰。
凡民欲要利於上者。非鬪無繇。其有軍功者。各以
律受。上五甲首。而隸伍家。以此為賞。民無不勉也。
若軍大戰而大將歿。吏自五百名已上。不能歿敵。
皆當斬。大將左右吏卒亡軍者。皆斬。士卒有軍功
者。奪無軍功者。戍三歲。五人為伍。五十人為行。戰

而亡其伍。同五人奪功無功者。亦戍三歲。以此爲
罰。民無不思也。所以四世有勝。衝擊六國。六國莫
敢抗之。非幸也。有術數然也。是以善用兵者。誅大
以爲威。賞小以爲明。刑上極而不避。貴重。賞下通
而不遺。廝賤。誅戮一卒。而萬衆畏勸者。用此道也。
永樂十二年。令凡行營之時。遇有鞍馬衣服器械不
同者。衣甲器械相同。而喝問答號不同者。皆卽擒
之。來降虜賊。所携人口財畜。分毫不許侵犯。卽時
來報。

凡隊伍已定。不許馬軍入步隊。步軍入馬隊。違者
重罪。如臨陣混戰。失其本隊。插入別隊者。不拘。
凡對敵之際。一隊遶看一隊。有不齊力進前者。戰
勝之後。許連隊之人首告。治以重罪。容情不首者
罪同。
凡管軍頭目。須愛惜軍士。軍士聽令。不許怠慢。如
伍中有一人不在。小旗報總旗。總旗報百戶。以次
報知總兵官。總兵官奏知。從征官軍。有在逃者。斬。
該管頭目不報者。重罪。

凡軍士須人馬相應。不許以軟弱不堪者。插入隊伍。如人壯馬弱。或馬壯人弱者。許弱者以馬與壯者。若自己已有馬。臨陣之際。能借與驍勇者。殺賊有功。許借馬人分賞。不願分者聽。其戰馬臨敵。許騎無事騎者。治罪。各管馬驢。須愛惜馱載。該管時嘗點閱。有故違。及將軍器拋失。或盜賣者。俱重罪。凡軍士行糧。該管官旗。時行點閱。有過用及遺棄者。失該管頭目。皆斬。凡軍行及下營之時。須入認隊伍。不許擅離。及離

嘗欲如大敵在前斯

入別營別隊。違者并該管頭目。俱重罪。凡軍中遇夜。以各樣大小銅角笛聲為號。不許聲音相同。答聽號聲。識認隊伍。不許叫營。違者論罪。但夜間有誼譁者。卽問所起之處。及左右應聲之人。與該管頭目。皆治以重罪。凡行營。須待大營旗纛起行。或聽駕前銅角聲。各營方許起行。每日下營。量撥步軍。或五隊十隊。馬軍五隊。或三四隊。步軍披甲。馬軍不摘鞍。伺候長圍。及架砲者。布列已定。方許入營休息。有盜人衣

無懈可擊

此處尤宜
盡心往效
可見也

糧諸物及盜驢馬宰殺并簡括隱藏人遺失物者
俱斬知情首實者給賞知而不首者同罪若收得
驢馬騾垛者即送該軍轉送大營召人識認如有
遺失被後哨官軍收獲者收者治以重罪
凡軍中有病者管隊官軍即令醫療掌藥料官及
醫士當加巡視不許勒取財物違者重罪

正統十四年令每隊伍中立公正掌令官二人務令
頭目軍士死生相顧臨陣有進無退若頭目不顧
軍士先自退怯者掌令官即斬其首別選頭目代

遇有以後
斬前者亦
須核後隊
同亂乃可
論賞不然
恐有挾私
報怨者

之若軍士不顧頭目先自退怯者許後隊斬前隊
准賞功陞賞軍士不勇不進致頭目失陷者斬其
全隊頭目不勇不進致軍士失陷十人者斬首至
二十人者斬首不與承襲至三十人及全隊斬首
籍沒其家凡軍士頭目應斬而有奇功者量與贖
免其總兵官申令不明不嚴致十隊退怯者罰俸
一年至三十隊者降二級至五十隊以上罷職全
軍退怯者斬但降敵者全家斬首籍沒財產行軍
之際有敢搶擄民財至十貫以上者斬首示衆頭

目縱容軍士搶掠至十人者罷職充軍二十人以
 上至全隊梟首管門軍士並皆處死軍中及新募
 來之人不知軍法敢有造言惑亂人心阻撓號令
 致壞事機者凌遲處死籍沒其家臨陣在逃及不
 聽總兵號令者斬

成化元年令總兵官出帥臨敵軍中有違犯號令者
 聽以軍法從事

火易托以
 為號即不
 然亦亂人
 意故特嚴

凡各營有失火者即與賊遞送消息并該管頭
 目俱重罪其每日行營不許在途炊飯違者并本

焉途炊掘
 并兵或懈
 散當防不
 意之乘故
 並慎之

管頭目皆斬下營掘井必令人監守不許作踐并
 占藏自用

一臨陣非主將命輒離隊先入者斬

一賊軍去陣尚遠謂射力不及之地弓弩亂射者

斬

一臨陣聞鼓聲合發弓弩而不發或雖發而箭不

盡及拋棄餘箭者斬

一臨陣弓弩已注箭而回顧者斬

一將帥士卒臨陣詐稱病者斬在邊鎮詐有所規

免者絞。或副或署以上。詐病者奏裁。

一臨陣或在賊境。非應得傳言。而輒高聲者斬。非

臨陣在賊境者杖一百。

一下營訖。非正門輒出入者斬。

一覘候謬說事宜。更相托及漏泄者斬。

一將卒有私讐。至臨陣以相報復者斬。

一臨陣失馬者斬。或戰馬被傷殺者不坐。即軍員

將弱馬換軍士壯馬者亦斬。鈐轄已下。除名決配。

副部署已上。約取奏裁。

一合戰爭他人所獲首級者斬。若衆力殺獲不辨主名。輒取首級者亦斬。

一逐賊將帥。指定遠近處所。而輒過者斬。或不及

指定處所者亦斬。

一不戰而降賊者。或背國歸賊者。父子年十六以

上。首級仍沒其家。沒者男子年十五以下。及母女

妻祖孫兄弟姊妹。資財田宅。並沒官。餘凡沒官准

此。

一戰陣失主將者。親兵並斬。臨陣擅離主將左右

者並科違制之罪

一漏泄軍情或散號漏泄者斬

一尅日會戰或計會軍事後期者斬計會軍事如

大雨雪及水火力不能赴者不坐

一軍中非大將令副將下輒出號令及改易旌旗

軍號者斬若號令未便須合改易者先申大將如

事當機速不及先申其改易實便者不坐卽叫呼

或吹物涉爲號者亦斬

一排陣已定都監使臣軍員以下輒抽一人一騎

者斬

一會戰或臨賊下寨行列不齊旌旗不正金鼓不

鳴主者及所犯者皆斬教陣而違者杖一百

一下營誤不如法主者杖一百在賊庭者斬

一背軍走者斬非出軍臨陣日依廂禁軍勅罰

一邊塞有警急及揆得賊中事機不取主將節度

而擅發兵者斬若賊已臨境卽時須兵馬策應關

報主將不及者勿坐

一不候銅符木契與宣命文牒相勘合而輒發兵

者斬得符契不發及不即發謂出軍臨陣之時若尋嘗抽發移替自依常程日限或雖得符契不依次第及無宣命文牒相副而報發者亦斬

一臨陣先退者斬

一逐隊部被攻危急前後及左右隊部當救不救

因至陷者全隊部皆斬

一失旌鼓旗節者全隊斬或為賊所取者亦全隊

斬

一陣定後輒進退亂行者前後左右所列之將聽

斬

一設奇伏掩襲務應機速發前將先合後將即赴

進退應接乖者斬

一令遠揆卓望不覺賊來者斬

一賊來可出軍而不出者斬

一差揆賊軍及入賊境可往而不往更相推托及

回不以實者斬

一有警急不舉烽及見前烽已舉後烽不應者斬

或無警而誤舉烽致警擾城寨及舉烽多少不如

聞不容髮
盪鏡之際
誰云萬里
密之密之

法致誤事者亦斬。承誤而應者不坐。

一守城不固者本地分及主者皆斬。或圍賊城不固亦斬。

一更舖失候夜巡失號止宿他處者斬。

一行軍不赴隊伍犯蘭後馬者斬。

一器械不預修整致臨陣不堪施用或給受之際

不卽言上致臨陣敗事者斬。

一部署鈐轄以下商議兵政務在和允卽時裁遣

違者以違制論若所執顯涉頗曲者除名。

和則心協
允則計孚
卽時裁遣
則赴機神

之嫌矣於
成功也何
有

一部署鈐轄等每有行下宣勅文字並具承受日

時疾速奏報遲者以違制論。

一出軍在道及緣邊城寨支請受典級敢減尅糧

食草料衣資賞賜者不論多少皆斬。

一吏卒與賊私交通或言語書疏者斬沒其家。

一主吏役使不平者斬。

一不伏差遣者斬。

一自相竊盜者不計物多少並斬非出軍臨陣自

從嘗法。

一巧詐以避征役者斬。

一避役自相殘者斬。

一將吏受賊枉法及論功定罪故不以實者斬。失

者委主帥量罪斷遣。妄張賊數至悞奏陣獲者亦

斬。

一隱欺破賊收獲及死亡兵士資財者斬。

一以強凌弱忿爭酗酒喧悖惡罵或煽搖恐嚇軍

伍及犯階級於理不順者斬。

一戲賭錢物者斬。非出軍臨陣自依嘗法。

一失去衣甲器械者斬。主將見而不收者。違制之
罪及故毀棄軍裝。或盜賣器械軍裝而詐稱失去
者亦斬。

一大軍在路遺落器械衣物皆須移在道傍令後
人收候下營處召主分付如他人妄認及隱匿者
斬如後來人不收者杖一百。

一軍中奔車走馬者斬。自指揮使以下並須步入

營寨違者杖一百。營寨謂主帥所在。

一貪爭財物資畜而不赴殺賊者斬。

一訛言誑惑妄說陰陽卜筮道釋鬼神災祥以動衆心者斬。

一無故警軍叫呼奔走妄言賊至及夜呼警衆者並斬。即賊乘暗攻營將士輒呼動者亦斬。

一軍中有卒警急及失火所在軍人輒叫呼奔走者所在官司得斬之。若在城守圍中亦斬。

一放火者斬。仍沒其家。或遺火燒屋宇軍幕及財物積聚通計錢二貫足已上者斬。

一軍中失火除救火人外餘人皆嚴備。若輒離本

因火奔呼即前所云遊賊消息也所在官司得斬之則無敢輕離伍矣今中凡三及之蓋其

嚴哉

職掌部隊等處者斬。

一入賊境軍士擅發冢墓焚廬舍殺老幼及婦女踐禾稼伐樹木者斬。如主將有命令蹂踐賊地禾稼伐樹木或焚蕩廬舍者不坐。

一軍士雖破敵有功擅掘冢燒舍掠取資財者斬。

一姦犯居人婦女及將婦女入營者斬。

一賊使人入軍非主司輒與語者斬。若擒獲敵人及來降者並領見主帥不得詢問敵中事宜。若違因而漏泄者斬。

焚掠行姦軍士最易犯者宜痛懲之。主謂主將司謂司傳稟者

一行管吏卒私議軍中事宜者斬。

一行管吏卒受他人財賄情涉交通者斬。親戚供

饋者不坐。

一得賊射書吏卒即時封送大將輒開讀者斬。如

士卒有親故贈遺書信者領赴主將驗認給付違

者杖一百。

一賊軍棄仗來降而輒殺者斬。

一破賊先虜掠或入賊境擅虜掠者斬。

一破賊後因爭俘虜相傷者斬。

一戰罷抽軍須徐緩而行輒走者斬。

一違主將一時之令者斬。


一軍行下營亂行失伍及樵牧汲飲出表外者杖

一百。

一凡見奇禽異獸怪物入營壘及捕獲者當時報

主將不告而輒傳道者杖一百。

一軍
 一軍主將
 一軍副將



文化乙亥

